


BAHEBRAYO,

CHIPATI CACISAMBOMWE ³

 Mwabuka kabotu, beenzuma. Calo ncoolwe kuba okuno. A—a kuzulizya oku kuzibya kupati kuzwa ku mweembeli wesu inga masimpe kwa tola buumi bwini, embo na? Aboobo tupa kulumbaizya ku Mwami nkambo ka nguzu Zyakwe zipati zyakuponya a luse Lwakwe ezyo Nzya katupa mucuindi ca myaka.

Lino Ndi jisi kwaambilizya kusyoonto kwa kucita. Omwe, swebo, Mukwesu Wood a Mukwesu Roberson, elyo tu yanda kumulumba nyoonse ku kutupailila, kukubaa lweendo luli kabotu. Kajisi ciindi cibotu; kaunkide buyo kwa mazuba one a cisela, Nda syoma, a kujokela kabotu. I Mwami waka tulongezya.

⁵⁰⁶ Lino, twa ambilizya kuti Mukwesu Graham Snelling, lubukulusyo lwakwe, lula zumanana, kutala ku i—i mamanino aa Kagwagwa kaku Brigham, ku i. . . mu dolopo omuno. Elyo aya masiku aboola a Bwatatu. . . Ndi yanda kuunka juunza, kwaakumana muswaangano kwa dilwe oko Nkwe taambilizye mu ziindi zisyoono. Tuyo muzibya masiku aa Bwatatu. Twa yanda kuyo unka mu nkamu mbuli baiminisi, kutala kuyo swaya Mukwesu Graham katana kujala kuswaangana kwakwe kutala okuya. Alimwi tuyo sola kuswaanganya mbungano yonse, ikuti na tuyo konzya, a kuunka mbuli nkamu ya baiminisi kuyo swaana, kuyooba a Mukwesu Graham muli kumwi kwa miswangano yakwe.

⁵⁰⁷ Elyo, lino, aya masikati ku—ku kabunga ka basikukutauka mitunta ya bafu ku Charlestown, ngu ii—ii Muka. Colvin, wakali kusika ciindi cimwi ku mbungano okuno kwa myaka minji yakainda, wa myaka ili makumi ali lusele ayone yakukomena, kasiya buumi obu jilo kuyooba a Mwami Jesu. Elyo dilwe lyakwe lyelede kuyo kambauka mu Muvulo, aa Bafundisi Ba. McKinney, nkwalu, kujanika, mweembeli wa mbungano ya Methodisti ku—ku Port Fulton kwa myaka minji, oyo wakali mweenzinyina wacigaminina kuli mbabo. Elyo Nde elede kuyo mugwasya, mu Muvulo, ku, Nda syoma kuyooba a wani theeti, ku i—ku chapelo ku Charlestown, Indiana. Elyo nyonse no beenzinyina ba mukwasyi waba Colvin banga, Ndi lizyi, banga balumba lino a camba buyo cisyoono na ku. . . kusukana maanza kuniini. Nkambo tonse tu lizyi eco mbo cibede, swebo ni twa kainda muli ezyo, mu makkuti, lwesu, a kuziba nco caamba kusweekelwa mweenzinyoko. Elyo aboobo tu. . . Uli lede mu i—

mu chapelo lino, ku Charlestown, Indiana. Ikuti na waunka kutala aya masikati, baa, inga kwa lumbwa ku mukwasyi waba Colvin, Ndili masimpe. Bunji bwa bantu babo baciboola okuno ku cikombelo. Nda kakwasya, kazikka, kabbizya, kutandila kapati, mukwasyi wabo, wonse. Elyo aboobo Ba. Grayson, bakali basimukobo mo nkoonya okuno, mbasikukutauka mitunta ya bafu kutala okuya.

⁵⁰⁸ Elyo mpawo aya, sunumasiku, na Mwami wayanda, awo mpo twa siila kuseeni okuno, tula sola kubwezela awo sunumaasiku, mu kwiiya oku kupati nko twiiya mukati lino. Elyo mpawo Ndi yeeya kuti oko kwali kwambilizya, kuciimo mbuli—mbuli Mbwe—Mbwe zyi. Alimwi aya masiku aboola amuli Bwatatu, lino, tuya kwaambilizya busiku twa kuunka kutala kuyooba a Mukwesu Graham.

⁵⁰⁹ Elyo twa batambula boonse beenzu mu milyango yesu. Elyo tuli kkomene kuba andinywe okuno kuseeni oku, a kulomba kuti Leza uyo mulongezya, cakwiindilila kapati, ku kubungana oku.

⁵¹⁰ Mukwesu Cox wazwaa kundaambila kuti zibelesyo zyakwaambawida kubuleya tii zyakali kubeleka kabotu kapati ku ciindi eco. Antela, ndiza, kweendelana ku bube bwaciindi, mudumo munji mu masipika okuya. Alimwi taali mabotu kapati, ku kotalika, aboobo ndiza ako nke kaambo.

⁵¹¹ Mbuli Mbwe bwene mucizi kakkede awa oyo Ngwe zyi, Mucizi Arganbright, Ndi . . . Oku takuli kubotu a—a kulilemeka kululeme kubateme, kubuzya ceeci, pele sa mwa kamvwa kuzwa ku Mukwesu Arganbright kuzwida nakaliko? Ndi yandisya loko kumvwa kuzwa kuli nguwe cakufwambaana mbuli mbo kukonzeka. Uli mu Switzerland a Germany, mu muswaangano okuya a Mukwesu Tommy Hicks a Paul Cain. Ikuti na wakasola kumvwa, Mucizi Ruth, ukandi zibye mpoonya awo, cakufwambaana mbuli mbo konzya.

⁵¹² Lino, cikombelo ciniini ta cijisi bumembala, pele tu jisi luswaanano. Ta tukwe kansiyansiya cita Kristo, taakwe mulao cita luyandisyo, taakwe bbuku pele Bbaibbele. Eelyo nde Bbuku lilikke ndo tuzyi, alimwi cintu cilikke nco tuzyi, mbuli nco tujisi. Mbuli Bulowa bwa Jesu Kristo bula tusalazya kuzwa ku zibi zyonse, tuli jisi luswaanano kuli umwi aumwi, bonse.

⁵¹³ Ndali kubona, kuseeni oku, kuli ndinywe nobamwi bantu ndiza mwamvwa mukwesu kakomba. Oyo wali muna Katolika, aboobo, na wakali muna Katolika. Elyo tuli jisi misyobo indene ya bantu basika okuno. Ndajisi coolwe, ziindi zisyoonto zyaında, kusukana janza lya mukwesu muna Mennonaiti uukkede mukati omuno. Elyo kuzwa kubana Mennonaiti, kuzwa kubana Methodisti, kuzwa kubana Baptisti, a Katolika, na kufumbwa uyanda, aboole. Elyo tula swaangana antoomwe ku zilongezyo zya Ijwi lya Leza. Ukkede calino ngu Kamboni wa Jehova a misyobo indene ya bantu, eyo, ya tubungwe twiindene.

514 Nda kali kuyandisya (ee, Ndi ciyandisya) Kumbo. Nda ziyandisya mbizi a ng'ombe. Nda kakomezegwa aa mpulazi, nkabela Nda—Nda iyanda. Elyo twa kali kunga tula yobolola, nkabela Nda kali kwiinka abo. Elyo twa kajisi lubaya lwa kuzunzya. Ta tuzyi na nobantu ba Kujwe na mulizi lubaya twa kusunzya kuti niinzi, na pe. Ndeelyo mwabikka ng'ombe mu i—i cisaka, zili jisi lubaya lwa kuzikasya kuya nko baita kuti, kujokela kumusanza ku mpulazi zyang'ombe. Zya kali kulya bwizi, oko nkoba kali kulima bwizi bwa kusanizya mu mapeyo. Elyo mpawo kutala mu cilundu, zili jisi lubaya lwa kusunzya akwalo, oko nkoba pambula maningi nzyazyi a bacende, azimwi zimbi. Lula tegwa ndubaya lwa kusunzya. Pele lubaya lwini lwa kusunzya luli oko sikulangalanga nkwaimevwi cindi ng'ombe zyainda.

515 Elyo lino Nda kakkala okuya, mazuba manji, mu cuuno cangu, aku zilangilila mbuli ng'ombe mbo zyakali kwiinda. Kwakali misyobo yonse yeendene ya simbi yaka njila. Kwakali imwi yakali kutegwa “Dayamondi.” Alimwi zimwi zyakali kutegwa “Bar X.” Alimwi zimwi . . . Zyesu zyakali “Tripod,” cintucimwi mbuli cizibyo ca Balombe Wasikkauti. Intu itobela, ansi lyayo, kwakali “Turkey Track,” aa mbizi. Elyo ba kajisi misyobo yonse iindene ya simbi, ya—ya kuziba ng'ombe zyabo cindi niba kazibinga kuzwa.

516 Lino, sikulangalanga takali kubikkila maanu maningi ku simbi nzoya kajisi, pele nceeci cintu, sikulangalanga wakali kubikkila maanu maningi kulangilila impa mu matwi azyo. Cintu conse caka njila omuya, takukwe makani eyo nsimbi mboya kabede, ya keelede kuba musyobo wini unjoloma wa Hereford. Tii yaka zumizigwa kunjila omuya citakuti yakali ya Hereford. Wakeelede kuba munyama wakalembwa nape nata kakonzya kunjila.

517 Ndi yeeya, kuti ku buzuba obo cindi Mwami akusika, Ta kabikkili maanu ku nsimbi nji tuno jisi, pele ikuti na tonse tuli Banakristo bakazyalululwa. Mbo mbubo. Olo ndolutanga lwa Kristo. I kusolekwa kwa Bulowa kuyo tutondezya, kuti tonse tuli Banakristo. Elyo ikut na tu yooba munzila eyo *okuya*, inga akwalo twaba munzila eyo okuno. Sa tamuyeeyi boobo? Nje nzila, tula lumba ku luswaanano lonse luzwa ku mambunganano onse aindene.

518 Lino tulanga langa muli eli Bbuku lya Bahebrayo lya kalelekwa. Umwi mukwesu wali botelwa kapati kusikila wa bweza mateepu nkabela ubamba bbuku lya ziiyo ali leeli.

519 Lino, tula boola, cakufwambaana kapati, ku chipati 11. Tu langila kumanizya mapeyo ali ceeco, aa chipati 11. Nkambo umwi aumwi wa basyakachite abo, tu yanda kujokela mu Bbuku a ku swaanganya Lugwalo lonse antomwe. Ne cicita. Ndi cita mu cibeela, ali zimwi ezi, zipati ezyi zyakainda, ku kuswaanganya

Bbuku lyonse antomwe. Nkambo, nywebo mwabona, Lugwalo lweelede kutondezya Lugwalo.

⁵²⁰ Nkikaako, ikuti na kuli kukazyanya kumwi, kuti umwi inga wayeeya kuteeti Magwalo ala likazyanya eni, obo mbulubizi. Takukwe Lugwalo lukazyanya Lugwalo. I—i kukazyanya kuli oko ndiza nko Li kazya nzila yesu yaku Li langa, pele Tali likazyi Lini. Nda kali mu mulimo, kuya ku myaka ili makumi obilo acisambomwe lino, nkabela Nse na, ciindi cimwi, kujana cintu comwe mu Bbaibbele cikazyanya cimwi cimbi cakalembedwe mu Bbaibbele. Elyo Ndi—Ndi zyi kuti taciko pe.

⁵²¹ Elyo sunu turlanga langa muli cimwi ca zipati zilelekedwe loko zya Bahebrayo, chipati ca 7. Alimwi na kuli umwi uta jisi Bbaibbele, uyanda kutu tobela mu kubala, inga twa botelwa ku kuletela Bbaibbele ikuti na watambika buyo janza lyako. Njo lekela bamwi baalu, umwi, kuboola awa a kubweza amwi. Bamwi batambika maanza abo kusule okuya. Elyo ndalumba, mukwesu. Alimwi ikuti na uyanda Bbaibbele, kotambika buyo janza lyako, nkabela bayo lileta kuli nduwe.

⁵²² Lino, nzila biyo mbungano mbo konzya kuyakwa, nzila biyo eyo muntu nja konzya kuba a Lusyomo, takuli ku kabungwe kakwe, kutali ku bumembala bwakwe. Pele Lusyomo lwakwe talu yaamini aalwiiyo lwabukombi ilwa mizeezyo ya muntu, nkaambo ndwa, kuntalisyo, muntu cakumaninina. Pele nzila biyo Lusyomo mbo lukonzya kujana busena lwabo lwakuyaamina cakusikizya, mpa Ijwi lya Leza litasanduki alitakapusigwa. “Lusyomo lulasika ku kumvwa, kumvwa Ijwi.” Obo mbo lubweza. Elyo—elyo cindi Lusyomo lwa mvugwa a kuzuminwa, kula bambwa kwalyonse. Taakwe cikonzya kusola kuli lucinca, takukwe makani kuli ceeco ciboola a ciinka. Taakwe cikonzya kusola kucinca olo Lusyomo. Amu ciyeeye eco. Uli simpidwe, alimwi tocinci pe, kwa ciindi a Butamani. Uli simpidwe kwalyonse, “Nkambo Leza, ku cituuzyo comwe, waka londola kwalyonse abo bakasalazigwa, na bakaitwa.”

⁵²³ Elyo Lusyomo lujisi busena bupati boobo mu Munakristo, mu buumi bwa musyomi, cakati lula konzya kubweza maimino alo kumbali lya cuumbwe cantimba na atala lya kkasiketi, oko muvwanda muyandisi na kalungukamoyo nko kakazwa ku buumi obu kuya kutala. Elyo a kulanga kusinizizye kwa liso lya sikwaze, kukonzya ku Mu langa oyo wakati, “Ndime Bubuke a Buumi.” Elyo bala luba zintu zyakaindi. Ba bindaanina ku mbaakani ya lwiito lwaatala.

⁵²⁴ Ndili kkomene kapati kuti Leza wakabamba ceeco, alimwi waka cibamba kuba cipego cabuyo kuli boonse. Obo mambabungano mba elede kuba. *Mabungano* taambi tubungwe na tubunga; aamba, “Nkamu zya bantu, zya basyomi, abo babungana antomwe kungsi lya luswaanano lwa Ijwi.”

525 Elyo mu kwiiya oku kubotu loko awa kwa Musalali Paulo, mu ntalisyo, mu macahati akaindwa, wa kali kubeleka cigaminina a Buleza bupati bwa Mwami Jesu aboobo Mbwa kabede. Kristo wakali Leza, kabambwa kutegwa bantu bakonzye ku Mu mvwa naku Mu guma, a—a luswaanano a Nguwe. Kristo, Mwami Jesu, wakali mubili omo Leza mwaka kkalila, “Leza wakaba mu mubili a kukkala akati kesu.” Timoteo Mutaanzi 3:16, “Kakutakwe lukazyo lupati alo makani aasisidwe aa buleza, nkambo Leza wakatondezegwa mu mubili.”

526 I Jehova mupati wakaseluka ansi a kubambwa kuba abujate, ku kupona mu mubili wa Mwana Wakwe Mwini, katondezya a kuyanzanya inyika kuli Lwakwe. Leza takali...Kristo takali kulela kuba Leza, alimwi—alimwi Leza takali kulela kuba Kristo. I bobilo antomwe bakapanga Buleza camubili, kabambwa kuceya loko kwinda Baangelo, kutegwa Ka konzya kupenga. Baangelo taba konzyi kupenga. Jesu wakali Cilao eco Leza mwa kakkalilamo.

527 I Bbaibbele lyakati, mu chipati 7 ca Incito zya Baapostolo, kuti, “Zilao, a zyakuu-...cituuzyo a zipaizyo zyakuumpa To kaziyanda, pele mubili Ngo ka Ndi bambaila. Nekubaboobo Sijulu Lyajulu takkali mu zilao zyakambwa aa maanza, pele mubili Ngo ka Ndi bambila,” kuti mukuba mu cilao na kukkala mu luswaanano a muntu.

528 Leza azumizya, mbo tutii maminine buyo ceeci chipati awa, na kumanizya Bbuku eli, tu yanda kujokela a kubweza Bbuku lya Rute a kutondezya omuya nzila Leza mbwa kaba sikamukowa kuli ndiswe, ku kuyanzanya basweekede kuli Nguwe kwinda kukuba a luswaanano a kuba umwi wesu. I Munununi weelede kuba sikamukowa, alimwi nzila biyo Leza nja kakonzya kuba sikamukowa kuli ndiswe, yakali yakuba umwi wesu. Aboobo, Ta kakonzya kuba Angelo a kuba sikamukowa ku muntu.

529 Mangolezya ainda cindi Ne kali kwaambaula ku mwana wakatyokede moyo, mubelesima, wa muntu wakazwaa kufwa, kati, “Oh Mukwesu Bill, Ndi yeeyela kuti walo ngu Angelo sunumasiku.”

530 Nda kati, “Peepe, Earl. Ta kasoli kuba Angelo. Walo mwanakazi, sunumasiku, mbubonya buyo Leza mbwaka mubamba, nkabela uyooba lyoonse, kutasola kuba Angelo.” Leza wakalenga Baangelo. Taakwe nakalenga bantu kuba Baangelo. Wa kalenga Baangelo a bantu. Aboobo bantu taba kasoli kuba Baangelo, alimwi Baangelo taba kasoli kuba bantu. Leza wakalenga bwandeene.

531 Lino, alimwi muli Kristo kuba mubili ku kunununa kutala oko kupati oko muntu nkwa kawida, a kutafwika oko kwinda ku cibi kwakasikide ansi, Leza wakaseluka ansi a kubweza ciwa ca

bupange bwa muntu, a kuba sikamukowa kuli ndiswe, kutegwa Ka konzya kuyumuna zibi zyesu a lufu lwesu.

⁵³² Elyo muli bumwi bwa bupanduluzi bupati mbo twa kali kupa, mu ziyo zyakainda; ntalisyo buyo niini kutegwa bapya bakonzye kumvwiya. Leza, mu lweendo Lwakwe kuya kutala ku Kalivari, mbuli lumoola lwa lufu mbo lwakali aali Nguwe, nkabela lwakali kunzwiima kuzunguluka Nguwe, elyo kumalekelo lwaka Mu luma mane Wa kafwa. Wa kafwa mane zuba lya kaleka kumweka. Wa kafwa mane mweezi a nyenyeezi zyaakacilwa kupa mumuni wazyo.

⁵³³ Nkambo, obo Mbwa keelede kucita ceeco, kusimpa lumoola lwa lufu! Ikuti Na kali muntu uufwika, ikuti Na kali mu theofani, na kuba mu muuya, lufu talukwe bweendelezi kuli oyo. Wa kacita kuba mubili, kutegwa Ka konzya kubweza lumoola lwa lufu. Pele cindi nzuki na kauka ako kaluma, kaluma lomwe kusakana, ta kakalumi alubo. Kala siya lumoola lwa nkako mu mubili. Alimwi obo Kristo mbwa ka-. . . na Leza mbwa kaba. Kristo waka kkala mu mubili, kutegwa Ka konzya kusimpa lumoola lwa lufu mu mubili Wakwe Mwini. Elyo cindi lufu nilwa kasomoka kuzwa kuli Nguwe aa ciingano, lwa kasiya lumoola lwawo, talu konyi kuluma limbi musyomi. Inga lwa nzwiima coongo, inga lwa konzya kuvuuma a kuyoosya, pele talu konzyi kuluma. Talu cijisi lumoola.

⁵³⁴ I Musalali mupati Paulo, mu musinzo wakwe wa lufu, wakwiila akuti, “O lufu, luli kuli lumoola lwako? Alimwi ocuumbwe, luli kuli luzundo lwako? Pele alumbwe Leza Oyo waka tupa luzundo kwinda mu Mwami Jesu Kristo, nkambo lufu a cuumbwe zyaka sweekelwa nguzu zyzazo.”

⁵³⁵ Lino, mpawo, Munsondo mwainda twa kabweza, “Kusiya makani aa njiisyo ya Kristo,” mu chipati ca 6, tu bala boobu, “atu yaambebe ku bulondosi.” Elyo tu jana kuti bantu sunu mu mabungano manji, antomwe a cikombelo ca Branham a zimwi zyandeene, tu bikka maningi kulangalanga kujatikizya makani aa Kristo: Wa kali Mwana wa Abrahamu, Wa kali Mwa wa—wa *Niini-a-niini*, a kuyabuya kaindi, mazyalani. Pele Bbaibbele lyakati, “Atu bikke ambali ezyo zintu, akuyaambebe ku bulondosi.”

⁵³⁶ Lutaanzi weelede kuziba njiisyo, elyo mpawo weelede kuziba zintu ezi zyonse; mpawo atu zibikke ambali, wa kati, zya bubuke bwa bafu, kubikkwa maanza, lubbizyo, a bonse obo buzumini bufwide bwa Leza. Nekubaboobo, ta—ta zikwe Buumi muli nzizyo. Pele mbungano sunu inka buyo ku zintu ezyo, “Oh, tula syoma mu Buleza bwa Kristo.” Iyi. Masimpe. “Tula syoma mu lubbizyo lwa maanzi.” Iyi. Masimpe. “Kubikkwa maanza.”

⁵³⁷ Paulo wakati, “Tula zicita ezyi zyonse na Leza wazumizya. Pele ku meso a zyonse ezyo, atu cibikke ambali lino, aku yaambela ku bulondosi.”

538 Lino, mbungano taikonzyi kulondoka kwiinda mu tubunga. Ila tantamuka kapati kuzwa kuli Leza, ciindi conse, na kutantamuka kapati kuzwa kuli aimwi. Tu panga migaano, tula lipambula, mukuboneka kutaba a Lusyomo. Pele mpawo cindi twa siya aya makani aa njiisyo, ikuti na twa zumanana kuya ku bulondosi, mpawo ezyo zintu ziniini ta zicikwe ncito kapati.

539 Tu njila mu kuyandana, nkabela tu jana kuti nzila ilikke njo tukonzya kulondolwa nkuba muli Kristo. Elyo mpawo tu jana kuti, ku kuyiisya kwa Bbaibbele, eyo nje nzila njo tunjila muli Kristo; kutali ku lubbizyo lwa maanzi, kutali kukubikika kwa maanza, kutali ku kuyiisya. “Pele ku Muuya omwe tula bbizigwa tonse mu Mubili omwe a kulondolwa kwiinda mu kupenga Kwakwe.” Mpawo, tu langa bwandeene. Tu yeeya bwandeene. Tuli lemeka bwandeene. Tu pona bwandeene. Kutali kaambo ka bulizi bwawo na kuzulilwa ku mbungano, pele nkaambo ka “luyandisyo olo Leza ndwa katila cakupaya mu myoyo yesu kwiinda ku Muuya Uusalala,” kutu bamba basicisi nyina ba Bwami bwa Leza, mpawo taakwe kabungwe na migaano muli ceeco. Toonse tuli mu Mubili omwe mupati.

540 Lino tuli libambilide kunjila mu ciyo ca kuseeni, mu ziindi zisyoonto. Cintu comwe cimbi Nce yanda kujana awa, nca kuti, kuteeti, Paulo kaambaula mu Bbuku, Iya 7, na, chipati ca 6, tu jana kuti awa tula londolwa muli Kristo. Mpawo mu kampango ka 13 ika chipati ca 6, ntalisyo buyo niini.

Nkambo cindi Leza naka syomezya Abrahamu, nkaambo Ta kakonzya kukonkezya kuli umwi mupati maningi, wa kakonkezya kuli Lwakwe,

Leza waka konkezya kuli Lwakwe, nkaambo Ta kakonzya kukonkezya kwiinda kuli umwi mupati maningi.

541 Lino tu yanda kujokela. Atu tusike ku Bagalatiya ziindi buyo zisyoonto. Amuvunune kujoka ku Bbuku Iya Bagalatiya, a kujana Bagalatiya 3:16. Alimwi tula bala awa asyoonto buyo, oko Nkwa kakonkezya ko.

Lino kuli Abrahamu a lunyungu lwakwe cisyomezyo caka pegwa. Ta kaamba kuti, Elyo ku nyungu, mbuli zinji; pele mbuli lomwe, . . . ku i lunyungu, uuli ngu Kristo.

542 Lino ikuti na mwalangisya, kubala eco kabotu lino, mbuli mbo mubala.

. . . kuli Abrahamu a lunyungu lwakwe (lomwe) oko zisyomezyo (zinji) zyaka pegwa.

543 “Abrahamu a lunyungu lwakwe.” Lino, Lunyungu lwa Abrahamu lwakali lomwe, oyo wakali Kristo; mu cikozyano cakali kuboala ca, Izaka.

Pele Abrahamu waka jisi bana banji. Wa kali jisi omwe katana kuba a Izaka, oyo wakali kutondezya kulubila kwa

kutasyoma kwa Sarah oyo wakali kuyanda Hanah kuzyala mwana, kayeeya kuti waa kacembeede maningi, nkabela Leza wakeenguluka akubamba umwi umbi kulaale kuzwa kunzila eyo Nja kasyomezya ku cicita.

⁵⁴⁴ Pele Leza ulazulizya cisyomezyo Cakwe. takukwe makani mbo ciboneka kutaba kabotu, Leza uli sinikizidwe ku cisyomezyo Cakwe. Alimwi Saraha waka yeeya kuti ndiza naka konzya kubweza Hanah, na, Hagare, mubwini, mubelesi wakwe, ku kuzyala muvwanda kwinda muli Abrahamu, nkabela na ka mubweza. Elyo oyo wakaba Ishimaeli, oyo wakali cisongozyo ku mubili wakwe, kuzwa kaindi mane lino. Ucili cisongozyo ku mubili, nkombo kuzwa omo kwakasika bama Arabu, nkabela lyonse bakali obo.

⁵⁴⁵ Lino, kufumbwa ciindi waunduluzya Ijwi lya Leza lila antangalala a kusala nzila imwi imbi, ciyooba cisongozyo mu mubili wako kuzwida awo. Kobweza buyo eco Leza nca kaamba. Ikuti na Wa ka Caamba, eco nce ncico Nca amba. Oh, lilelekwe Zina Lyakwe! Kobweza buyo Ijwi Lyakwe.

⁵⁴⁶ Takukwe makani eco cisola kweenguluka, kwaamba kuti, “Ee, Ta lyaamba loko Eco.” Lya amba eco buyo nco Li pandulula, cindi Leza apanga cisyomezyo.

⁵⁴⁷ Lino ikuti na twa langisya kabotu.

. . . Abrahamu a lunyungu lwakwe oko zisyomezyo nko zyaka pegwa . . .

Lumwi lwakali Lunyungu, lomwe, a zisyomezyo zimbi. Kuli cisyomezyo comwe cimbi, a kwiinda muntu omwe umbi oyo usanganisidwe mu Lunyungu lwa Abrahamu. Mwabona? Kuli Lunyungu lomwe, pele bantu banji ba Lunyungu olu. Mwabona? Tii zyakali buyo kuli Abrahamu alikke, na Izaka alikke. Pele i . . . Cakali ca loonse Lunyungu lwa Abrahamu. I zisyomezyo zyaka pegwa ku lunyungu alumwi lugaminina lwa Lunyungu olo. Mwa cimvwa na? [Mbunga yaamba, “Ameni.”—Mul.]

⁵⁴⁸ Nkikaaako, swebo, mukuba bafwide muli Kristo, kweendelana ku Magwalo, tu sama Lunyungu lwa Abrahamu nkabela tuli baswaana kweendelana ku cisyomezyo. Kutali ku kusangana mbungano, na kupanda buzumini bufwide, na—na zimwi zimbi. Pele ku kuzyalwa aa Muuya wa Kristo, tuli Lunyungu lwa Abrahamu, a baswaana antomwe a Nguwe mu Bwami.

⁵⁴⁹ Mpawo tula zumanana, kubala, mpawo, ambele buyo asyonto eno, “Leza kacita cikonke.” Lino kampango ka 17 ika chipati ca 6.

Omo Leza, kayandide kapati cantangalala . . .

. . . Leza, kayandide kapati antangalala kutondezya ku baswaana ba cisyomezyo luyando lwakwe lutacinci, waka cisimpikizya kubelesya cikonke:

550 Oh, atu umune buyo maminiti masyoonto. “Leza kayandide kapati.” Kutali kuti Wa keelede kucita, pele wakabamba eci cintu kuba cakasimpe.

551 Lino, twa jana kale kuti Leza wakaba mu mubili, akukkala akati kesu, nzila Mbwa kaliyubulula Mwini ku inyika. Cindi Na kajana mwanakazi mu mamambe, kati, “Nse kupi—Nse kupi mulandu. Koya, uta kabisiy limbi.” Cindi Na kajana baciswa, Wa kacita buyo munzila Nja kalino cita, nkambo Wa kali Leza, alimwi Wa—Wa kabaponya baciswa. Wa kabusya bafu. Wa kajatila zibi. Takukwe makani mbo bakabede a nzila mbo zyakali zinji a nzila mbo bakawide, Wa kaba jatila, nekuba, ikuti na bakali kuyanda kusika a kulomba.

552 Lino amubone. Ikuti na Leza wakacita ciindi cimwi cimbi a ciimmo cimwi, alimwi ikuti na eco ciimo nciconya cabuka alubo, We elede kucita ciindi cabili mbuli Mbwa kacita ciindi citaanzi nape Ta luzi. Mwabona? Takukwe makani obo mbo bijide mu cibi, antela obo mbo bbide, We elede kucita kuli nduwe mbuli Mbwa kacita ku mwanakazi oyo wakawide nape Wa kacita kulubizya kaindi. Kulilemeka kwa Leza nkwa ciimo ca Muntu Lwakwe, alimwi obo Mbwa bedo mu kulilemeka Kwakwe kulungulula ciimo ca Muntu Lwakwe.

553 Alimwi eyo nje nzila mbobede, mu kulilemeka kwa buumi, kwaamba obo mbobede. Mbuli mbo twa kajisi akwiindamo, ciiyo na mazuba obilo ainda, bantu ba Methodisti bakali kuyanda kulungulula kuti, “Cindi wa ongolola, yebo Ulu jisi.” Iba Pentekoste balati, “Cindi yebo waambaula mu myaambo, yebo Ulu jisi.” I Sikuzungaana wakati, “Cindi wa zungaana, yebo Ulu jisi,” Basikuzungaana bana Pennsylvania. Elyo tu jana kuti boonse bali lubide. Buumi bwako bula Bu lungulula. Buntu bwako bulungulula mbobede. Ii muntu ula zibwa ku milimo yakwe, ali kufumbwa buumi bwako mbobubede.

554 Mwakamvwa kaano kakaindi kati, “Buumi bwako bula kanana kapati, Nse konzyi kumvwa majwi ako.” Aboobo kufumbwa mbobede, mbobede. I buumi mbo pona butondezya musyobo wa muuya uli muli nduwe.

555 Elyo mpawo inga walikozyanisya ku cintu cilubide, na, kulikozyanisya ku cintu ciluleme, a Nda ambe. Inga walikozyanisya kuba Munakristo. Pele kuyooba, kumbele, boola cindi ca kusyanikizigwa caakubikkwa, mpawo ciyo tondezya obo mbobede. Ii nketa ninjumu maningi a maswaanino mpoi kompeme maningi.

556 Cindi Kristo Mwana wa Leza naka sunkwa, caka tondezya Mbwa kabede. Masimpe. Cindi wa sunkwa, kuyo tondezya mbobede. Buumi bwako lyoonse butondezya eco cili mukati kako. Kumbele, koba masimpe kuti zibi zyako zita ka kuyutululi. Eco nco tusola kwaamba.

557 Jesu wakati, mu Musalali Johane 5:24, “Oyo uumvwa,” kutali oyo uzungaana, oyo ukanana, oyo walo. . . “Oyo walo uumvwa Ijwi Lyangu, a kusyoma Nguwe waka Ndi tuma, ujisi Buumi Butamani, nkabela taka boola ku lubeta; pele wazwa ku lufu kuya ku Buumi.”

558 Lwalo ndusyomo lwako. Alimwi lusyomo lwako, lwaambwa ku milomo yako, kulatondezya ku bantu abo bakonzya kumvwa, pele buumi bwako buli jukide kumbele lya boonse. Aboobo, takukwe makani mbo sola kucita *boobu* akucita *boobu*, taku kabeleki. Kweelede kuba muli nduwe. Eco nce ciyandisi cini ca kaano konse. Lusyomo lwako lugaminina muli Kristo wakabuka, mbuli Mufutuli wako; kuti Uli ku janza lyalulyo lwa Leza, kacita mubusena bwako kuseeni oku, mbuli mbo cita mubusena Bwakwe ansi awa mbuli kamboni. Ii kamboni ngwa kucita mubusena bwa muntuumwi, ku kwiiminina mbuli kamboni. Alimwi buumi bwako bulatondezya awa obo bumboni bwako mbo bubede muli Kristo, bulatondezya alya alimwi bulatondezya awa. Alimwi Uli atala alya, mbuli Mbwa bede nkaambo ka nduwe, kutondezya kobile akuya a waano. Aboobo uli. . . Ku lusyomo lwako, waka futulwa, alimwi olo lulikke. Aboobo, kunyanyamukwa, kujatwa mubili, kulimvwa, cili conse, tacikwe busena pe muli Ncico. Lino, kutali. . .

559 Lino, muta yeeyi buteelede, kuti Nse syomi mu kujutwa oku kwa mibili. Cilimasimpe. Pele mpo tubede eno, kusola kumvwisya ku bantu aba zya buzuba obuno, takuli kujatwa kwa mibili. I dyabulosi waka bweza zintu ezyo a kupilingana a bantu, kubalekela kusimpa nkobaya kwabo Kutamani aa kujatwa kwa mubili. Koongolola, kwaambaula mu mwaambo, kuya ku cikombelo Munsondo monse, kucita mbuli Munakristo, oko taku kaleti mpindu ku buzuba obo. “Citakuti muntu wa zyalululwa.” Alimwi buumi bwako butondezya mbobede mukati, mwabona, kutali kujatwa kwako kwa mubili.

560 Inga waba a bulowa mu maanza ako, inga wa kanana mu myaambo, inga waponya baciswa, inga waazyula malundu ku lusyomo lwako, nkabela tonaba cintu. Bakorinto Bataanzi 13. Mwabona? Ceelede kuba cintucimwi cicitika kwinda Kukuzyalwa oko kuzwa kuli Leza, nkabela Leza waleta Kuzyalwa Kupya muli nduwe, a kukupa cibeela Cakwe. Mpawo ezyo zintu zyaba. Uli cilenge cipya. “Nda bapa Butamani.”

561 Twa kainda mu bbala lya “Butamani.” *Kwalyonse* kwalo “mwaakwe wa ciindi.” *Kutamani* nkwalyonse, nkwalyonse alimwi nkwalyonse, pele kuli Kutamani komwe biyo. Elyo twa kajana kuti ula tambula Buumi Butamani, nkabela bbala mu Cigriki ngu *Zoe*, eelyo lyaamba “Buumi bwa Leza.” Alimwi utambula cibeela ca Buumi bwa Leza, eco cikubamba kuba mwana wa kumuuya iwa Leza, nkabela uli uteeli mbuli Leza mbwali uteeli. To jisi magolelo, taakwe busena bwakwiimina, nkaambo to kajisi busena bwa kutalikila. Kufumbwa cintu

jisi matalikilo cili jisi magolelo, alimwi eco citakwe matalikilo tacikwe magolelo.

562 Obo mbo tuyanda eelyo Ijwi liyandisi! Obo Manakristo mbwa eelede kuyakwa mu Lusyomo olo lwaka pegwa ku basalali ciindi cimwi, akutali kutontaikwa konse, busena ku busena, akusangana mabungano esu aindene. Kufumbwa mbungano njo yanda kuzulilwa kuli kabotu, kufumbwa kuti koli Munakristo. Pele lutaanzi bikka cintu lutaanzi, oko Nkuzyalwa kukubamba sikamukowa kuli Leza, mbuli Leza mbwa kaba sikamukowa a nduwe.

563 Wa kaba sikamukowa, kutegwa Ka konzya kukubusya. Kataninga Ku kubusya, We elede kukupa Buumi Butamani. Mpawo Leza wakacita kuba sikamukowa, kuti abweze lufu, kutegwa akakubusye. Mpawo weelede kuba sikamukowa kuli Nguwe, kutegwa ukaunke mu bubuke. Nywebo mwabona mbocibede na? Nku sintanya buyo. Leza wakaba nduwe, kutegwa ukabe Leza. Mwabona? Leza wakaba cibeela cako, mubili, kutegwa kwinda ku luzyalo Lwakwe ukabe cibeela Cakwe, kwa mana, ku kuba a Buumi Butamani.

564 Cifwanikiso cibotu buya, alimwi oh, tula ciyanda.

Lino, *Leza, kayandide kapati cantangalala . . .*

565 Ta keelede, pele Wa kali kuyandisya kucita. Ndili kkomene kapati kuli ceeco, tamu citi, kuti Leza wesu ulayandisya? Amulange. Ino kuti Wa—ino kuti Ta kajisi kukkazikacamba? Niinzi mucelo wa Muuya? Luyandisyo, lutangalo, lusyomo, luumuno, kukkazikacamba. Eco ncibeela ca Leza cili muli nduwe. Alimwi inga waba a lukakatilo alweetelelo, kukakatila ku mikuli ya umwi aumwi. Ku jatilana, mbuli Leza nkambo ka Kristo waka kujatila. I Muuya wa Leza muli nduwe ukubamba kuba boobo. Elyo mpawo cindi Leza nakali waano aa nyika a kuba nduwe, kuba cibi, kuti Walo kabweza cibi cako, ku ciyumwida nduwe a kubbadela cisubulo cako nkambo ka ncico. Leza ngu sikukkazikacamba, aukukakatila ku mikuli yesu.

566 Elyo mpawo Ngu Leza mubotu. Ikuti na ula yanda, zintu zimwi nzila yako, mulizi, Leza mubotu loko kukucita ceeco. Ula botelwa ku—ku kubamba kukkomana. Ula yanda ku . . . Walo—Walo nduyandisyo, alimwi luyandisyo lupati Lwakwe lu Mula sungilizya akwalo kuseluka ciindi cimwi, kukulekela kuba a zintu nzo yanda.

567 Amulange Tomaso, nikwa kainda bubuke. Tomaso taka konzya kusyoma. Oh, uli jisi bana banji sunu. Pele Tomaso wakati, “Peepe. Peepe. Nde elede kuyooaba abumboni. Njo yandika kunjizya maanza angu mu lubazu Lwakwe, alimwi muli Akwe . . . tunwe twangu okuno mu maanza Akwe, nketana Kuyo Ci syoma. Ta, Ta ndikwe makani eco nco mwaamba.” Mwabona, wa kali zwide monse mu matobelanwa aa Lugwalo, mpoonya

awo. We elede ku Ci syoma. Aboobo wa kati, “Nde elede kuba amusyobo umwi wa bumboni, waku Ci tondezya.”

568 Elyo Jesu wakabonekela, Walo mubotu, “Ko boola, Tomaso, ikuti na eco nco yanda, ee, mpaawa wee. Inga wa citambula.”

569 Nje nzila eyo mbo tubede. Tu laamba, “Mwami, Nde elede kwaambaula mu myaambo. Nde—Nde elede koongolola. Nde elede. . .”

570 “Oh, kozumanana, Njo kulekela kuba aco.” Walo mubotu.

571 Aboobo wa kauma maanza akwe mu lubazu Lwakwe, mpawo wa kati, “Oh, walo Mwami wangu a Leza wangu.”

572 Wa kati, “Lino, Tomaso, wasyoma kuzwa nobona. Pele obo mbubuli bupati maningi bulumbu bwabo abo batakwe bumboni elyo nekubaboobo bala Ci syoma!” Mpaawo we. Oko nko tweelede kusika. “Obo mbupati maningi bulumbu bwabo kuli batana bona cintu pele nekubaboobo bala Ci syoma.” Walo mucito wa lusyomo, kuteeti tula Ci tambula.

573 Lino, Ndila syoma mu zitondezyo kazitobela basyomi, pele atu saangune kubikka zintu zitaanzi. Inga mwaba a zitondezyo, kakutakwe Ceeci. Paulo wakati inga mwacita. Wa kati, “Nda konzya kwaambaula mu mwaambo mbuli wa bantu a Baangelo; Nketali cintu. Nda konzya kuzyula malundu ku lusyomo lwangu; Nketali cintu. Inga ndamvwisya Bbaibbele, munzila ili boobo cakuti Nda konzya kuziba maseseke onse aa Leza; Nketali cintu.” Mwabona, ezyo nzipego zya Muuya Uusalala, kakutakwe Muuya Uusalala.

574 I Muuya Uusalala ngu Leza. Leza nduyandisyo, lutangalo, luumuno, kukkazikacamba, buuya, lukakatilo. Oyo Muuya wa Leza. Eco ncencico Leza naya kubusya ku mazuba akumamanino, kwiinda mu Muuya oyo.

575 Lino, “Kutali kuyandisya. . .”

. . . *Leza, kayandide kapati cantangalala a ku tondezya ku baswaana ba i cisyomezyo . . .*

. . . *Leza, kayandide kapati . . . ku tondezya . . . i baswaana . . .*

Mbaani baswaana? “Swebo, kuba bafwide muli Kristo, tusama Lunyungu lwa Abrahamu, nkabela tuli baswaana.” Oh, sena eco camvugwa mukati? Tuli baswaana ba Bwami bwa Leza, kwindu ku cisyomezyo cacikonke. Leza takeelede kukonkezya. Ijwi Lyakwe lili londokede. Pele Wa kakonkezya, awalo, kuli Lwakwe, nkambo kwakanyina umwi wakali mupati maningi.

576 Mbuli mbo tuzumanana kubala, asyoonto buyo, amuswiilile.

. . . *i cisyomezyo citasanduki ca luyando lwakwe, waka cisimpikizya kwindu ku cikonke:*

577 “Kutasanduka,” kubula bucince. Leza takonzyi kucinca. We elede kacili mbubonya. Elyo ikuti na Leza wakaponya

muntu umwi mulwazi, Ta konzyi kucinca kulanganya Kwakwe. Leza wakajatila sizibi umwi, sibwaamu umwi, Ta konzyi kucinca kulanganya Kwakwe. I kutasanduka, kutacinca kwa Ijwi Iya Leza. Leza wakati, mu busena bomwe, “Ndime Mwami Oyo uuponya malwazi anu onse.” We elede kukkala a Ncico, nkambo Walo mupatikampatila. Wa kalizi magolelo kuzwa ku matalikilo.

⁵⁷⁸ Lino, Nda konzya kuti, “Njo cita *ceeci*.” Alimwi Bbaibbele lyakati, tweelede kwaamba kuti, “Ikuti na Mwami ulayanda.” Nkaambo, Ndili ufwika. Ta ndizyi. Ziindizimwi Nde elede kupilusya majwi angu, pele Leza takonzyi kupilusya Akwe. Ngu Leza.

⁵⁷⁹ Alimwi Wa kalomba biyo cintu comwe cakuti, “Ikuti na ulakonzya kusyoma.” Oh, ma! “Ikuti na ula konzya kusyoma, zintu zyoonse zila konzeka.” “Ikuti na ula konzya kusyoma,” kwa mana. “Yebo, ikuti na ulakonzya,” ngooyo mubuzyo. Pele kutali kuti mubuzyo ula Ijwi Iya Leza, nkaambo, kutasanduka Kwakwe, Ta konzyi kucinca. Mbocili cibotuloko!

⁵⁸⁰ Lino amuswiilile, mbuli mbo tuzumana kubala ansi.

Kuti ku zintu zyoobilo zitasanduki, mwalo ta cikonzeki kuli Leza kubeja, . . .

Tacikonzeki! Ii kutakonzeka a kutasanduka mubwini ndibbala lyomwe; konzyi kucinca, konzyi kusunzuka. Lyelede kukkala mbubonya kwalyonse. Konzyi kucincwa, kutasanduka a kutakonzeka.

Elyo zyoobilo, ku zintu zyoobilo zitasanduki, mwalo ta cikonzeki kuli Leza kubeja, . . .

“Tu jisi zintu zyoobilo?” Iiyi. Citaanzi, Ijwi Lyakwe lyakati Uya kucicita. I cabili cakali cikonke Cakwe aali ncico, Uya kucicita. Oh, ma!

⁵⁸¹ Ino tweelede kuba musyobo nzi wa bantu? Nkaambonzi nco tweelede kutontaikwa konse a kuzuza konse, a kubweza zintu zya inyika a kulilemeka mbuli eci ceelo ca Bunakristo cabusyaasunu ica 1957? Tu yanda kuba musyobo wacyianza cakaindi eco cibweza Leza ku Ijwi Lyakwe, a kwiita zintu ezyo zyatakaliko, mbuli kuti zyakaliko. “Ikuti na Leza wa kaamba boobo, Eco cila cibamba.”

⁵⁸² Abrahamu, oyo waka pegwa cisyomezyo, kuli nguwe a Lunyungu lwakwe, wa kaita zintu zyatakaliko, mbuli kuti zyakaliko. Nkambo, Ca kali cisyomezyo ca Leza, mukuziba kuti Leza taakali kukonzya kubeja. Wa kamusyomezya ceeco, nkabela waka Ci syoma. Elyo mbuli myaka mboya kakulauka, elyo cisyomezyo cakaboneka kuya busakana kule, ku meso akunyama, Ca kaba muni loko kuli Abrahamu.

⁵⁸³ Mucibaka ca kukompama, a kuti, “Ee, ndiza kuli cintu cili boobu mbuli kuponesegwa kwa Buleza. Ndiza Ndili buyo ku- . . .

Ndiza takukwe cintu cili boobu. Ndiza Nda kalubila mu mizeezo yangu yonse.” Mpawo, eco citondezya cintu comwe, kuteeti tona kuzyalululwa. “Nkambo cili. . .”

⁵⁸⁴ Twa kamanizya Munsondo mwainda, asyoonto buyo ambele kusule mu chapita. “Nkambo ta cikonzeki ku muntu oyo wakalabila kale zipego a zintu Zyakujulu, kuti wawa, alubo kuli jokolosya mwini ku lweempo.” Nincobeni, tacikonzeki kumaninina!

Nkambo oyo wa *kazyalwa kwa Leza ta citi* alimwi takonzyi *kucita cibi; nkambo i mbuto ya Leza ilakkalilila muli nguwe: nkabela ta konzyi kubisya, . . .*

I Mbuto ya Leza ndi Ijwi lya Leza. “Lusyomo lulasika kwinda kukumvwa, kumvwa Ijwi, ‘I Cituuzyo caka bambwa. Kwa mana.’”

⁵⁸⁵ Lino, ikuti na wa lubizya, Leza uyo kubbadelesya nkambo ka nco. Pele ikuti na wacita, uli lubide, to ciciti acaali. Chipati 10, kampango ka 47, Ndila syoma, “Nkambo ikuti na twa bisya acaali twa mana kutambula luzibo lwa Bwini.” Pele wamana Kuzyalwa kale, uli bujisi Bwini; kutali luzibo lwa Mbubo, pele wa kazumina Bwini alimwi Bwalo buba kasimpe. Elyo uli mwana wa Leza, kwa ciindi a Kutamani. Leza waka konkezya kuti Uya kucicita.

⁵⁸⁶ Jesu wakati, “Oyo uumvwa Majwi Angu, a kusyoma Oyo waka Ndi tuma, ujisi Buumi Buteeli, nkabela Njo mubusya ku buzuba bwamamanino. Ta kasiki ku Lubeta. Wa zwa ku lufu kuya ku Buumi.” Lino a cikonke mbuli ceeci, “Leza kayandisya kuti tuka Bu tambule.”

⁵⁸⁷ Lino amulangilile eco ncaamba awa, Paulo kaambaula ku i—i mbungano.

. . . ta *cikonzeki kuli Leza kubeja, twe* elede kuba a *kuumbulizigwa kuyumu, . . .*

Kutali kuti, “Ee, ikuti na bana Baptisti taba ndilanganya kabotu, Njo unka kubana Methodisti.” Mwabona?

. . . twe elede kuba a *kuumbulizigwa kuyumu, abo ba katijila ku musemo kujatilila aa bulangizi bubikkidwe kumbele lyesu:*

⁵⁸⁸ Lino mu kubala ca mamanino.

Obo bulangizi mbo tu jisi mbuli inkasi ya buntu, . . .

I *bulangizi*, cikonke caka konkezegwa ica Leza, tu *jisi mbuli inkasi ya buntu, ya masimpe a itonkomene, alimwi abo baka njila omo bali mukati ka cisitilizyo;*

⁵⁸⁹ Atu kanane buyo asyoonto aa “cisitilizyo.” Tii twa kacibweza kabotu loko masiku ainda aa Munsondo.

⁵⁹⁰ “Mu cisitilizyo.” I cisitilizyo walo mubili. I cisitilizyo nce citu kasya kubona Leza, busyu ku busyu, mu mbungano eyi.

I cisitilizyo nce citu kasya kubona Baangelo mu masena abo kuseeni oku, kabaimvwi kumbali lya zyuuno. I cisitilizyo nce cintu cikasya kubona Nguwe. Tuli sisidwe kusule lya cisitilizyo, alimwi eco cisitilizyo walo mubili. Tuli bana balombe abasimbi iba Leza, tuli mu Busyu bwa Leza, “I Baangelo ba Leza bali bazungulikide abo ba Mu yoowa.” Tuli mu Busyu bwa Leza, conse ciindi. “Nse kamusiyi, nanka kuti Nka sole kumu futatila. Njo oba andinywe lyoonse, nekuba ku magolelo.” Pele cisitilizyo walo mubili, oyo utu tantamuna kuzwa mu Busyu Bwakwe. Pele kwinda mu buntu, Muuya, ku lusyomo lwesu tu lizyi kuti Ula tumamela. Walo uliimvwi muni lyesu. Uli waano lino.

⁵⁹¹ Kumusanza lya Dotani, cifumo cimwi, musinsimi mudaala waka zungulukidwe impi nkabela mulanda wakwe wakaunka a kuti, “O taata, cisi conse cizungulikidwe bamuzwakule.”

⁵⁹² Elyo Eliya wakabuka, a kuti, “Baa, musankwa, kuli banji andiswe kwiinda baliko ambabo.”

⁵⁹³ Ee, wa kalaba meso akwe a kulanga konse. Ta kakonzya kubona cintu.

⁵⁹⁴ Wa kati, “Leza, Ndi yanda kuti Umu jule meso akwe, kogusya cisitilizyo.” Elyo cindi cisitilizyo nicaka loka kuzwa ku meso akwe, kuzunguluka oyo musinsimi mudaala kwakali inkalaki zya mulilo, malundu akali kusuka Mulilo ku Baangelo a inkalaki. Mpaawo we.

⁵⁹⁵ Oh, mpawo Gehazi wakakonzya kuti, “Nda—Nda mvwisya eno.” Mwabona, cisitilizyo cakaloka. Mpaawo ali cisinkila.

⁵⁹⁶ Nceeci we. Amu cijatisye. I cisitilizyo nce citu kasya ku nzila ngumi njo tweelede kuba. Cisitilizyo nce citu sinkila kuzwa ku kucita zintu nzo tu yanda ncobeni kucita. Elyo Leza waka vumbwa mu mubili, nkabela cisitilizyo caka zapulwa mu bubili. Elyo Leza wakaba Leza alubo, alimwi Wa kasumpula cisitilizyo eco Mwa kalisiside Mwini. Obo mbubuke bwa Mwami Jesu. Kutondezya kuli ndiswe kuti, mu cisitilizyo eci lino tula yuba mukati, ku lusyomo tula Ci syoma aku Ci zumina. Elyo cindi eci cisitilizyo cakuzapulwa mu bubili, Njo njila mu Busyu Bwakwe nke jisi kaanzambwene aka, mukuziba kuti, “Ndili Mu zyi mu nguzu zya bubuke Bwakwe.” Ku Kuboola kwa Mwami Jesu, eci cisitilizyo ciyo sumpulwa alubo, m unzila yaka londolwa, mane Njo enda a kwaambaula a Nguwe mbuli Mufutuli wangu a Leza wangu, cindi Aku bweza cuuno cabwami ica Davida. Elyo tuya kupona kwalyonse mu cisitilizyo eci caakumana kulondolwa, pele eci cisitilizyo cijisi cibi muli ncico. Takukwe makani mbo. . . Muta soli kuyeeya zya oyo mubili wakatambula bulemu mu nyika eyi. Weelede kufwa, mbubonya mbuli buntu bwanu mbo bweelede kufwa, ku kuzyalululwa.

⁵⁹⁷ Mu bulondosi, kutalya nyama, a kucita *ceeci*, akulondola mubili, tamu katambuli. Elyo weelede kuleka *ceeci*, a kucita *ceeci*, a kucita *ceeci*, a kucita *ceeci*, oyo mulawo. Abo

mbasitulaolao. Ta tusyomi mu ziimo zya tulaolao itwa lufutuko. Tula Li syoma ku luzyalo kuti tula futulwa. Alimwi toli nduwe. To jisi cakucita a ncico. Nkusala kwa Leza oko kucicita. “Taakwe muntu ukonzya kusika kuli Ndime citakuti Taata Wangu wamu kwela.” Mbo mbubo. Elyo Wa. . . Koonse Jesu nkwa kaboolela kucita kwakali kwa kubweza baaba Taata mbakabwenekale; a mba kakanza kuzwa ku malengelo aa inyika kuba bana balombe abasimbi iba Leza. Ameni. “Kutali oyo ubeleka, na oyo uyanda, pele Leza oyo utondezya luse.” Leza ngu cicita. To konzyi kulikankaizya, pee. Takukwe cintu nco kacita. Leza, ku luzyalo, waka kufutula; kutali yebo, lwako. Ikuti na wacita, ujisi cintucimwi cakuli kankaizizya. Pele tojisi cintu cakuli kankaizya. Koonse kulumbaizya kuya kuli Nguwe. Ngo Nguwe. Mpawo Ula kupa bulangizi bwa masimpe, “Wakakonzezya ku cikonke, kutakonzeka ku bana Bakwe kusola kusweeka.”

598 Lino, bala nabbwa ba lubizya. Ula tebula eco nco byala. Wa cimvwa. Sena eno uyeeya kuti wiinka buyo akuyo bisya, akuta subulwa kuli ncico. Ikuti na wacita, nkabela ujisi ciimo eco, citondezya kuti tona zyalululwa. Sa wa cimvwa? Ikuti na ucijisi kuyandisya muli nduwe, kucita cilubide, mpawo uci lubide. Wabona? “Nkambo Wa kalondola, kwalyonse, abo bakali. . . Alimwi abo banyama kungsi lya Cizuminano Cakaindi, kungsi lya mazuba aamulawo, bakatuulwa amwaka, cakuzumanana, tiiba kakaonzya kugusya zibi.” Pele cindi twa bikka maanza esu a mutwe Wakwe, a kulyaambilila zibi zyesu a kuzyalululwa ku Muuya wa Leza, inga tatu cikwe kuyandisya kwa cibi. Cibi cazwa kuli nduwe. Oko nkwa ciindi a Kutamani.

599 Uya kulubizya. Uya kuwa. Uya kulubizya acaali. Uya kuunka ciindicimwi a kucita zintu. Eco ta caambi kuti ulisweekede. Eco caamba kuti uyo tambula kululamikwa.

600 Mulombe wangu muniini, ziindi zinji, bana bangu, bayo cita zintu. Banu balacita, abalo. Kuteeti ula. . . Ba lizi kuti ezyo zilwana milazyo yako—yako. Alimwi ba lizi cakulangila cindi ba cicita. Bayo tambula kunabbwa nkambo ka ncico, ziindizimwi kumwi kubotu. Pele ucili mwana wako. Masimpe.

601 Ta cikonzeki ku muntu oyo kusola kuloba alubo, oyo waka zyalwa kale ku Buumi Butamani. Leza tali sikupa mbuli muna India. “Oyo uumvwa Majwi Aangu, a kusyoma Oyo waka Ndi tuma, ujisi Buumi buteeli; nkabela taka booli ku Lubeta, pele wakazwa ku lufu kuya ku Buumi. Njo mubusya ku mazuba akumamanino.” Eco nce cisyomezyo ca Leza.

602 Lino ikuti na wazumanana, kuti, “Oh, ee, mpawo Nda konzya kucita buyo. . .” Nda cita lyoonse Nce yanda kucita. Pele ikuti na uli Munakristo, to yandi kucita cintu eco citaluzi, nkaambo mbubonya Buumi buli muli nduwe, njionya ntalisyo. Ikuti na uyanda kucita citaluzi, citondezya kuti cintu cili *omu*.

“Mbobuti maanzi aalula a mabotu mbwa konzya kuzwa ku kasensa komwe?”

⁶⁰³ Aboobo mwaka nyongana yonse aa musyobo wa kujatwa kwa mubili, na bubotu maningi bwa *cintucimwi-cimbi* cakunya nyamukwa: Ko ciluba! Joka ku cipaililo a kuti, “Leza, kogusya buumi bwangu bwakaindi bwazibi, a kundi bikka mu ciimo cili boobo cakuti kuyanda kwangu koonse . . .”

“Oyo wakazyalwa kwa Leza taciti cibi.” Mbo mbubo. Ta jisi kuyandisya kucita boobo.

⁶⁰⁴ Nincobeni, dyabulosi uyo muca *awa* a *walya*, pele kutali acaali. I Bbaibbele lyakaamba obo. I dyabulosi uyo muca, kuciindi ecino. Masimpe, uyo cita. Wa kasola kuwaala tooze ku Mwami wesu Jesu. Wa kacita kuli Musa, aku mujata. Wa kacita kuli Petro, aku mujata. Wa kacita ku banji, pele . . . Petro nokuba waka Mu kaka, pele mpawo wa kaunka kalila kapati. Kwakali Cintucimwi muli nguwe.

⁶⁰⁵ Cindi nziba niya gusigwa mu bwaata . . . I cikwaangala wakazwa, wa kalilila konse. Wa kali mu bwaato kabotu, pele cindi na kazwa, bupange bwakwe bwakali indene. Wa kakonzya kulya yoonse mitunta yakaindi nja kali kuyanda, a kukkutila. Nkaambonzi? Wa kali cikwaangala, kuzwa kumatalikilo. Wa kali sikubwezelela zintu. Ta kali kabotu. Wa kali sikuupaupa waka kkala mu citeente a nziba, buyo mupati mbuli nziba mboya kabede. Wa kali kukonzya kuulukila konse nziba nkoya kali kuuluka. Pele wa kakonzya kulya zyakulya zibotu mbuli buyo nziba nzoya kalya. Elyo mpawo wa kali konzya kulya zyakulya zibolede, ezyo nziba nzoya takali kukonzya kulya. Nkambo, nziba yakali musyobo wiindene. Yalo ibambidwe bwandeene. Yalo ni nziba. Alimwi nziba tai konzyi kutamfunya cakulya cibolede, nkaambo tai jisi mululwe uli onse.

⁶⁰⁶ A muntu wakazyalwa ku Muuya wa Leza uba nziba ya Leza, bulenge bwakwe, kucinca kwakwe, bupange bwakwe. Iyi, munene. Wa bikka muuya wa i—wa nziba muli cikwaangala, inga taa kkala aa mutunta uufwide. Ikuti na waseluka mu kulubizya, incobeni inga wazwa cakufwambaana. Inga takonzya kucizunda. A muntu wakazyalwa ku Muuya wa Leza, ta lekeli mukati. Inga waselukila mu bbiyaholo ciindicimwi, pele uya kuzwa awo cakubinda. Ii mwanakazi inga wa moongelezya, kuti amu nyone, pele uyo nyona mutwe wakwe alubo. Uya kuzwa awa cakufwambaana. Nkaambonzi? Yalo ni Nziba. Mbo mbubo. To kamu cengi, nkambo kakuti uli zyi. “Mbelele Zyangu zilizi Jwi Lyangu, nkabela mweenzu tazika mutobeli.” Yalo ni nziba, kuzwa kumatalikilo. Nceeco Nce kanana, cintucimwi cini eco cijata omuya.

⁶⁰⁷ Langilila kabotu eno. “Leza wakakonkezya.” Oh, ci . . .

*Obo bulangizi mbo tu jisi mbuli inkasi ya buntu,
kobilo . . . itonkomene, alimwi eyo yakanjila muli—muli
eco cili ncisitilizyo;*

608 “I cisitilizyo.” Leza wakaseleluka, akulivumba mu mubili. Ku kucita nzi? Ku kulitondezya Mwini. Wa kali yubide, nkaambo tii twaka konzya ku Mu bona. Alimwi Wa kalisisa kunze lya cisitilizyo. Elyo cisitilizyo Wa kalini? Jesu. “Kutali Ndime ndicita milimo, Taata Wangu,” kaamba Jesu. “Taata Wangu uukkala muli Ndime. Ndila beleka. I Taata ulabeleka, nkabela Ndila beleka kusikila eno.” Ngooyu Walo oyo Wa kavumbwa, keenda munyama, Leza, Emanueli, Leza andiswe. “Leza wakali muli Kristo, kayanzanya inyika kuli Lwakwe.” Ngooyu We, keenda koonse.

609 Lino, Wa kaseluka ansi a kusalazya, na kulibambila, na mulungo, kuti kwinda mu lufu Lwakwe wakatuula, kabbadela muulo wa cibi, kuti Ka konzya kujoka akukkala muli ndiswe. Mpawo lusyomo ndo tu jisi ndwa ii—ndwa lusyomo lwakavumbwa, na muntu wakavumbwa. Nkikaako ta tulangi ku zintu nzo tubona mu cisitilizyo eci. I cisitilizyo cili jisi lwiiyo, alimwi cila cita zintu a kwaamba zintu. Ncintu casayaansi. Pele Muuya wa Leza muumi oyo ukkala omu, kwiita zintu ezyo zya takaliko, mbuli kuti zyakaliko, ikuti na Leza wakaamba obo. Nkooko kuvumbwa kwanu. Tuli mu cisitilizyo.

610 Lino, buzubabumwi Uyo cibusya eci cisitilizyo, kutali kuzyalwa ku mwanakazi kwinda kukuyanda kwankwela ya mwaalumi a mwanakazi, pele ku luyando lwa Leza Uyo kanana alimwi uya kucitika. [Mukwesu Branham wanontola kanwe kakwe—Mul.] Mpawo tuya kuba a mubili mbuli mubili Wakwe Wini wabulemu. Tuyo vumbwa, aboobo inga twaambaula kuli umwi aumwi, kusukana maanza kuli umwi aumwi.

611 Lino, cindi twa kuzwa awa, kuli cilao, theofani, cinkozya buyo ca muntu, eco cita lyi, cita nywi, cita oni, cilipakamene kwalyonse. Nkooko nko tuunka. Pele bala lindila kungsi lya Cipaililo, kabaompoola, “Mwami, ciindi cilamfu buti? Ciindi cilamfu buti?” kujokela aansi. Nkaambo, ba yanda kusukana maanza umwi aumwi. Ba yanda kukkala ansi a kulya, a kwaambaula kuli umwi aumwi. Balo mbantunsi. Lilelekwe Zina lya Mwami!

612 Cindi Leza naka lenga muntu mu cinkozya Cakwe Cini ku matalikilo, Wa kamulenga mbuli boobu. Wa kaba aluswaanano umwi aumwi, nkaambo tuli zibene. Tula ziyanda zintu Leza nzya katupanzya, nkaambo twa kabambwa mbuli boobu. Mu Kuboola Kwakwe kupati, abo bali bambilide bayooba mbuli boobu kwalyonse. Batafwiki, Tuyo imikila mu kukozyanya Kwakwe. Oh, lilelekwe eelyo Zina lya Kristo!

613 Elyo lino tu jisi cizibyo ca lufutuko lwesu, mbuli mbutu Mu zumina kuba Mufutuli wesu wacigaminina, mbuli Musilisi

wesu. Koonse oku nkubadelwa, na mpindu ibbadelwa ku mabambe aa inshualensi. Amen. Nywebo mulizi mabambe a inshualensi kuti niinzi. Mula konzya kujana mpindu ali ngawo kusikila. Ncamasimpe. Inga wajana mpindu. Alimwi tu jana mpindu lino. Biyo, cindi, mbo twa janina mpindu, kubbadelwa kulasumpuka alubo.

614 Mwiiminizi wa inshualensi, ciindi cimwi, waka ndaambila kuti, “Billy, Ndi yanda kukusambalila inshualensi imwi.”

Nda kati, “Ndili jisi imwi.” Mukaintu wangu waka ndiziliziza.

615 Lino, taakwe kulwana inshualensi. Pele bantu bamwi “mbacete kubaa inshualensi.” Aboobo, ba kanyona. Wa kati. . .

616 Mukaintu wangu waka ndizilikizya, cakugambwa, “Uli jisi inshualensi?”

617 Nda kati, “Masimpe.” Ta kazi cintu kujatikizya njyio.

618 Wa kati, “Ee, Billy, ino musyobo nzi wa inshualensi ngo jisi?”

619 Nda kati:

Kaleleke kaanzambwene, Jesu ngu wangu!
Oh, ino nkulabila kwa bulemu Bwabuleza!
Swaana wa lufutuko, wakaulwa aa Leza,
Wakazyalwa ku Muuya Wakwe, wakasanzigwa
mu Bulowa Bwakwe.

620 Wa kati, “Oku kuli kabotu loko, Billy,” wa kaamba, “pele taku kakuyoboli awa mu namaumbwe.”

621 Nda kati, “Pele Kuyo ndigusya. Eco nce cintu cipati.” Nse libiliki makani akusika okuya; Ndi libilika makani akuzwa.

622 Elyo mbukunga Ndi jisi kaanzambwene, kwinda ku kukonkezya kwa Leza wa Butamani, kuti Njo buka alubo mu kukozyanya kwa Mwana Wakwe, ku buzuba bwamamanino, Njo enda acamba a kuba akuumbulizigwa a nkasi ya buntu, kuteeti, kuciindi Nda nooli mu cisitilizyo eci kuli Cintucimwi citaboneki cakandi simpa ku Mwaala wa makkalo kutala oko. Cindi meenda asotauka akubbotoka, taku bambi lwandaano lumwi. Ikuti na lufu, ntenda mpati, na cili conse, tacitu pambuli kuzwa ku luyandisyo lwa Leza. Inkasi yangu ila jata mukati ka cisitilizyo. Mazambangulwe abuke. Alo ampilauke cakubinda. Baboole batasyomi mu bukombi bwini. I musyomi wakazyalululwa uli jisi inkasi. To konzayi kubona kwiinda muli eci cisitilizyo. Pele Ndi lizi kuti inkasi yangu ila jatilila kutala oko ku Mwaala wa makkalo, Walo ncisyomezyo caka konkezegwa kuti Uyo ndibusya ku buzuba bwa mamanino.

623 Ta cigambyi inga walanga lufu kumeso, akuti, “Luli kuli lumoola lwako? Ocuumbwe, luli kuli luzundo lwako? Pele alumbwe Leza Oyo uutupa luzundo kwinda mu Mwami wesu Jesu Kristo.”

Omo walo sikusolola . . .

Oh, ma! Ta tukosika ku ciiyo.

Oko sikusolola . . . nkambo ka ndiswe

⁶²⁴ Ii sikusolola. Sena mwakasola kubona, mu mazuba akaindi kumbo (Ziindi zinji Nda kazabuka mikondo yakaindi.), sikusolola, na sikkauti? Cindi citima camawagoni nicakali kunyongana, kuyanda maanzi, sikkauti wakali kuzuzila ambele. Elyo wa kabona mikowa ya bama India; wa kaba indilila. Elyo wa kabona awo akali kasensa ka maanzi. Wa kabindaanina kujokela kuyoambila simalela wa citima camawagoni, “Amubambe mbizi, woose abe acamba cibotu, nkambo atala buyo lya mulundu kuli kasensa kapati ka maanzi.” Ngu sikusolola.

⁶²⁵ Elyo mpaawa, Sikusolola. Muntu cimwi ciindi waka syanikizidwe aa dyabulosi, kungsi lya mulilo ufwamba, pele Muntuumwi waka bweza cikkalilo ca meshini gani. Oyo wakali Jesu. I Sikusolola wakainka kumbele lyesu. Elyo Saatani kaimvwi alya a meshini ganu, katu syanikizize ansi, lyoonse mu bwaange a kuyoowa lufu. Wa kali kulonda Kasenda ako. Masimpe, Mbwa kabede. Wa kapedwe kulaililwa, nkaambo twa kali bisizye a kutandwa kuzwa kuli Nkako. Pele Sikusolola, Kristo, wakasika mukati a kubweza cikkalilo.

⁶²⁶ Mwa kalumvwa olo lwiimbo lwakaindi, “Amujatilile buyake bwakucingilila, nkambo Nda boola”? Amujatilile buyake bwakucingilila, kwiina; atu butole. Ta tuyandi kucino bujatilila limbi. Kristo wakabweza buyake bwakucingilila. Aleluya! I mulyango uli jukide. “Kuli Kasensa kajukide mu ng’anda ya Leza, mu munzi wa Davida, ka basalala, ka busalali bwa batasalali.” Sikusolola wesu waka njila nkambo ka ndiswe.

⁶²⁷ I Sikusolola, Ula twaambila, “Kuli busena kulaale ncobeni, kutala, oko nkomu taka cembaali.” Oko kuta kabi minkusa, oko nkomu taka belesyi zya Max Factor kumu bamba kuboneka kabotu ku baalumi banu. I Sikusolola wa kaunka. Takukwe busena oko nkomuya kucembaana a kudekela akulimvwa kukompama akuzungaana. Mboobo busena nkomu taka ciswi. Oko muvwanda takabi akucisa kupati kwa mwida. Oko nkomu taka sami lya kupanga, na, linyo lya kupanga. Aleluya! Oh lilelekwe Zina Lyakwe! Wa kanjila mukati, alimwi cakutafwika tuyo imikila mu kukozyanya Kwakwe buzubabumwi kutala. I nyenyeezi a zuba ziyo zunda kumweka. Ncamasimpe. I Sikusolola wakainka kumbele lyesu.

. . . sikusolola wa kainka, waka njila nkambo ka ndiswe, walo Jesu, wakacitwa kuba mupaizi mupati walyonse mbuli nčililano ya Melikisedeki.

⁶²⁸ Oyu Sikusolola mupati wakainka kumbele lyesu, kabamba nzila. Wa kazwa kuba Muuya, tusensa tupati twa fulicoongo

wa Leza, Oyo uutakwe mataliko a magolelo. Wa kali, walyonse, Leza.

Oyu mutunga wa Mumuni wakainka. Wa kali mutunga wa luyandisyo, oyo ngo umwi mupati, usubila. I mubala utobela, oyo wakali wa bbulu; bbulu, bukasimpe. Utobela, kuzwa oyo wakali wa mibala imbi, kwinda mu mibala ili ciloba ilondokede, ili Myuuya ili ciloba iya Leza, eyo yakazwa ku Kasensa ako kapati na eyo Dayamondi mpati Jesu nja kakanana. Eyo yakali Dayamondi mapati yakagwalwa gwalwa, kuti itondezye eyi mibala. Leza wakaba mu mubili akukkala akati kesu, kutegwa Ka konzya kutondezya bubotu a luse Lwakwe akati kesu, ku zipego a zitondezyo a zigambyo.

Oyo fulicoongo onse mupati wakacita kuba mu theofani, wakabambwa mu cinkonzya mbuli ca muntu. Nekubaboobo, Ta kali muntu; Ta kajisi mubili pe. Wa kali theofani.

⁶²⁹ Musa wakati, “Ndi yanda Ku kubona.” Leza wakamusisa mu mwaala.

⁶³⁰ Elyo cindi Na kainda ambali, Wa kapa sule Lyakwe. Musa wakati, “Wa kaboneka mbuli sule lya muntu.”

⁶³¹ Mpawo ncinzi cakacitika? Buzuba bumwi kumusanza okuya, cindi Abrahamu naka kkede mu tente lyakwe. Tula sika kuli ncico, sunumasiku. Cindi Abrahamu naka kkede mu tente lyakwe, Leza wakasika kuli nguwe, mu mubili wanyama.

“Oh,” nywebo mwati, “Mukwesu Branham, wa kali . . .”

⁶³² Tula Mu jana mpoonya awa kaswaana Abrahamu kakutanaba obo, mu ncililano ya Melikisedeki, mubili wabuntu, oyo wakali Leza. Masimpe, mbo cakabede. Wa kali Leza mu buntu.

⁶³³ Nywebo mwati, “Mpawo Mukwesu Branham, nkaambonzi Nca keelede kujokela kuyo zyalwa?”

⁶³⁴ Ta kazyedwe kaindi. Wa kalengwa buyo, mubili Mwa kakkalilamo. Melikisedeki wakali Mwaami wa Salemu, uli Mwami wa Jerusalemu, uli Mwaami wa luumuno; wata kajisi bawisi nanka banyina, matalikilo aa mazuba na magolelo aa buumi.

Jesu wakali jisi bawisi a banyina, matalikilo aa mazuba a magolelo aa buumi. Pele Wa kabambwa “mbuli ncililano” ya Melikisedeki, oyo wata kajisi matalikilo aa mazuba nanka magolelo aa buumi.

⁶³⁵ Melikisedeki wakali Leza Mwini. Melikisedeki wakali Jehova Leza, Oyo Nguwe waka swaana Abrahamu, kwinde myaka, kunembo lya tente lyakwe. Wakapede sule Lyakwe kuli nguwe; Wa kati, “Nkaaambonzi Sarah waseka?” Mbo mbubo. Wa kali Nguwe wakaimikila alya, kalangide kutozwa ku Sodoma. Abrahamu waka Mu ziba, nkaambo mukati ka cisitilizyo cakwe kwakli inkasi yaka jatilide eco cisyomezyo. Kutali kaambo

kakuti wa kajisi kunyanyamukwa, pele Leza wakamupede cisyomezyo. Elyo cindi na kaswaangana a eyo magneti mpati, wa ka Iziba kuti yakali mu mubili oyo.

⁶³⁶ Wakeenda a Abrahamu, kubusena okuya ntaamo ambali. Wa kaambila Abrahamu. Kati, “Mukubona obo, sa Njo sisa zintu ezi kuzwa kuli Abrahamu, mukubona kuti walo ngu swaana wa inyika? Nse kocicita buya.” Aboobo, “Abrahamu, Njo kwaambila eco Nceli mu lweendo Lwangu kuyo cita,” tula cibweza sunumasiku, “kumusanza okuya mu Sodoma,” a ceeco boonse ncobaya kucita. Elyo Mbwa kamanina buyo kuleleka Abrahamu, Wa kajokela mu mwaakwe alubo. Ii muntu wakaimvwi alya nkabela kajisi lusuko aa zisani Zyakwe, Muntu. Elyo kutali obo biyo, pele Wa kalya nyama ya moombe oyo Abrahamu ngwa kajaya, a kunywa mukupa uuzwa ku ng’ombe, a kulya zibunge zitakwe bumena (zinkwa zimwi zyamaila), nkabela zyakazilidwe bbata. Mbo mbubo ncobeni. Elyo mpawo wakajokela ku theofani alubo.

⁶³⁷ Cakali cinzi? Nkaambonzi Ta kacitola kaindi? Ta kasola kuzyalwa mbuli nduwe a Ndime. Pele Wa kacita kuzyalwa mu mubili, kutegwa ka konzya kujata olo lumoola. Oyo wakali mubili wakalengwa. Oyo wakali mubili Mwa kasomweda kkaushiamu a potashi kuzwa mu nyika, a kuti, “Fyuu,” a kunjila muli nguwo. Oyo wakali cintu nciconya Melikisedeki ncakabede. Wa kanjila muli nguwe, mu mubili oyo Ngwa keendela kumbele lyakwe kungsi lya cisitilizyo, ca cisitilizyo ca bulenge Bwakwe Mwini; kutali cisitilizyo ca bulenge bwa mwanakazi, kwindi mu luzyalilo lwa mwanakazi, kwindi mu ii—ii seelo, nee. Pele Wa wakalenga oyu a kuyutukila muli nguwo, a kwaambaula, mu ncililano ya Melikisedeki.

⁶³⁸ Nguni Oyu Melikisedeki?

Nkambo oyu Melikisedeki, mwaami wa Salemu, (uuli ngu Jerusalemu), sibwaami wa Leza uulemekwa kapati, (ncamasimpe), oyo waka swaana Abrahamu kajoka ku kujaya bami, a kumu leleka;

Kuli nguwe akwalo Abrahamu wakapa cipanzi cakkumi ca zyoonse; lutaanzi ku bupanduluzi Mwaami wa bululami, (olo luyandisyo lupati, oyo Muuya mupati ku matalikilo)...Mwaami wa bululami, ...mbuli eyo...Mwaami wa Salemu, uli, i Mwaami wa luumuno;

Uutakwe bawisi, uutakwe banyina, uutakwe mukowa, kata jisi matalikilo aa mazuba, na magolelo aa buumi;...

⁶³⁹ Ino wakali ni? Taakwe nakazyalwa, Ta kafwi pe. Ino nguni? Wa kali Leza, masimpe, wakali obo, mu cimvule ca Mwami Jesu. Ncobeni waka cita. Pele Wa kacita kwindi mu mwanakazi, kutegwa kaboola kwindi mu mwanakazi. Alimwi Wa kaboola nzila njo muboola, kutegwa kamu josya kuli Nguwe. Aleluya!

Luzyalo lugambya, obo mbo lumvuwika kabotu,
Lwa kafutula mucete, moofu, mupenzi mbuli
ndime!
Nda kali sweekede ciindi cimwi, pele lino Nda
kajanwa, ku luzyalo Lwakwe,
Nda kali moofu, pele lino Ndila bona.

⁶⁴⁰ Nda mvwisya eco Nca keelede kucita. Leza wakaba ndime, kuteeti Mebo ku luzyalo ndibe Nguwe. Wa katola zibi zyangu, kuti kwiinda ku bululami Bwakwe kuti Ndibe a Buumi Butamani. Nse kakonzya kulisala ndemwini. Bulenge bwangu bwakali bwa sizibi. Nse kajisi cakucita a ncico. Nda ka “zyalwa mu nyika, kabambwa mu milandu, kaboola ku inyika kuzo beja.” Kutali nociba coolwe, pee; taakwe, kutali nokuba kuyandisya.

⁶⁴¹ Ambila ngulube kuti “tailuzi, kulya zilyo zisoogwa,” inga wacita? Bona kunji mboiya kukuswiilila. Ambila cikwaangala kuti “taluzi, kulya mitunta ifwide,” a kubona obo mbwaya kukwaambila. Ikuti na ula konzya kwaambaula, “Ko mamela buyo makani ako.” Ncamasimpe.

⁶⁴² Oh, pele luzyalo lwa Leza lwaka cinca bupande obu, akundipa coolwe cakuyanda akusukamina akufwa nyota, “Lweetelelo Lwako ndubotu kwinda buumi, O Leza. Moyo wangu usukamina Nduwe.”

⁶⁴³ Davida wakati, “Mbuli insya mbwi fwekembela maanzi amu kalonga, mbubonya muuya wangu usukamina Nduwe, O Leza.”

⁶⁴⁴ Leza wakapa muntu eyo nyota, yaku Mu komba, ku kuyanda, ku Mu yandaula. Pele muntu wakai pilingnya kwinda ku kwiitwa kwa dyabulosi, alimwi ula unka kuyo sukamina banakazi a misaala a zintu zya inyika, kusola kukkutya obo bulenge busalala Leza mbwa kabikka mukati, bwaku Mu yanda. Ula kubikka aa zintu zya inyika. Pele, mukwesu, cindi acincwa lomwe, nkabela ako kasensa kajisi zivunyugula muli nkako, misyobo yonse ya—ya kunyongana kwa mukalo, kwaka sanzigwa a kujaya mabbakitilia, a Maanzi anjoloma aa Leza abikkwa mukati omuya, cibi tacikonzyi kukaguma. Amenii.

O obo Mbwe Mu yanda! Obo Mbwe Mu
yandisya!
Buumi bwangu, kumweka kwangu kwazuba,
zyoonse zyangu zilanganisigwa!
I Mulengi mupati wakaba Mufutuli wangu,
Elyo boonse buzule bwa Leza bukkala muli
Nguwe.

Ansi kuzwa ku bulemu Bwakwe, kaano kaponu
lyonse,
Leza a Mufutuli wangu wakasika, nkabela Jesu
lyakali Zina Lyakwe.

Wakazyalwa mu cilido, wakali mweenzu kuli
 Bakwe beni,
 I Leza wa buusu, misozi a kufwaba kupati.
 O obo Mbwe Mu yanda! Obo Mbwe Mu
 yandisya!
 Kuyoya kwangu, mumuni wangu wazuba, ngu
 zyoonse zyangu!

⁶⁴⁵ O Leza! Mbobuti Mbwa kakonzya kucicita? Muntu wakasola
 ku lulemba. Umwi wakati:

Ikuti na ka tujisi inki uuzuzya lwizi,
 Elyo cikuba conse aa nyika waba mulimba
 wakulembya;
 Yoonse milengalenga yaba zikutu
 zyakulembela,
 Elyo muntu wonse waba mulembi ku ncito,
 Ku kulemba luyandisyo lwa Leza atala.

Obo Leza oyo mupati waku Julu mbwakaba mu mubili
 akutola zibi zyesu!

Kulemba luyandisyo lwa Leza atala
 Inga kwapa lwizi mane lwayuminina;
 Nokuba na skroo yakabweza zyoonse,
 Nekubakuti ya landamunwa kuzwa ku
 mulengalenga kusikaku mulengalenga.

⁶⁴⁶ Elyo kubamba baswaana ba lufutuko olu kuba bulangizi
 bwakasimpe, Wa kakonkezya Mwini kuti Uya kutu busya ku
 mazuba akumamanino, kutupa Buumi Butamani. “Elyo taakwe
 muntu ukonzya kubagwisya kuzwa mu janza Lyangu.” Amenii.

Atu kombe.

⁶⁴⁷ Sa ujisi mulandu wakukaka luyandisyo Lwakwe? Sena
 waakaka Bulenge Bwakwe bulelekedwe, oyu Umwi mupati waka
 kubamba obo mbo bedede? Elyo lino mpaawa mpoli, kuseeni oku,
 kuciimo eci mu buumi, alimwi cikupa coolwe. Sena ulayanda
 kuzumanana kupona? Kuli nzila yomwe biyo ya kupona, eyo
 nja kusyoma Mwami Jesu. Ikuti ulayanda, kuzwa ku moyo
 wako, kusyoma kuti Walo Mwana wa Leza aku Mu zumina
 mbuli Mufutuli wako, akusyoma kuti Leza waka Mu busya ku
 kululamikwa kwako, ikuti na uyanda kucizumina ambaakani
 eyo, nci cako eno.

⁶⁴⁸ Sa inga watambika janza lyako? Muntu umwi utalimvwi
 kuusa, uyanda kweempwa kuseeni oku, kwaamba “Kondi yeeya,
 mukwesu, mukambausi, mbuli mbo tuya ku mupailo. Ambebo
 ndaaka kilwa. Nda sangana mbungano, pele Ndi—Ndi lizi
 Nsena—Nsena kuba aceeco nco kanana. Nsena kuzyalwa ku
 Muuya oyo, Mukwesu Branham. Nse ujisi—Nse ujisi buya Oyo,
 kwa mana. Ndi yanda kuti undi kombele, kutegwa Leza a Upe
 kuli ndime kuseeni oku.” Leza aku longeze, munene. Sa inga

kwaba umbi? Waamba, “Leza, kondi bamba mbuli mbo Ndi yanda kuba. Ndi yanda kuti Ube. . . Ndi yanda kuba mbuli Mbo yanda kuti ndibe. Nda akaka luyandisyo Lwako.” Leza aku leleke, mwana.

649 Kwakaindi buyo kaniini lino.

Ikuti na ka tujisi inki uuzuzya lwizi,
Elyo mulengalenga wakabambwa cikutu
cakulembela;
Zikuba zyonse aa nyika kuba mulimba wa
kulembya,
Elyo muntu onse kuba mulembi ku ncito;
Kulemba luyandisyo lwa Leza atala
Inga kwapa lwizi mane lwayuminina;
Na kukonzya kuzuzya skroo yonse,
Nekubakuti ya landamunwa kuzwa ku
mulengalenga kusikaku mulengalenga.

Oh, luyandisyo lwa Leza, obo mbu luvubide a
kunjoloma!
Obo mbolu tapimiki a lwanguzu!
Luyo kkalilila kwalyonse,
I lwiimbo lwa basalali a Baangelo.

650 Oyandwa Leza, nconzyo oyo sikuyabila wakalemba majwi ayo wakali mbuli buyo bamwi banji basyomi Bako, kulingula, kusola kujana majwi aku lupandulula. Alimwi kuli lembedwe mu Bbaibbele, “Banji, nkaambo mukambausi wakali musongo, wa kayandaula akubika kabotu majwi manji mu ncililano.” Oh, obo mbo tunga twayanda kuba a mulaka a mabala onse akubelsya ngo tukonzya kupandulula ku bantu obo mbo lubede ncobeni, pele ta konzyi kujanwa mu milomo ya muntu uufwika. Boonse Butamani, kakutakwe kuzumbauzya na buyo sola ku luyubununa, obo Leza waku Julu mbwa kasola kuboola ku nyika kuzo vuna basizibi, bacete, basweekede abapengede.

651 Nda Ku lomba, Taata, kuti kwindi mu majwi aya masyoonto atasaukide, na majwi atyokede kuseeni oku, mbuli Mbwe elede kwaamba, kuti umwi wajana luumuno a kukkutila a kuumbulizigwa kuyumu, oyo waka tijila ku musemo. Elyo akube kuti buntu bwabo busimpe mu cisyomezyo eco Leza ncaka konkezya, kuti Uyo babusya ku buzuba bwamamanino. Maanza akubwene anyamunwa, mu buyake, moonya omu mu cikombelo. Leza, bape bulangizi obo butonkomene, ndyoonya lino. Akube kuti basimpe mu Mwaala wa makkalo. Takukwe makani obo lwizi mbo lukonzya kutontaika cabubi nkabela kukamba kwabo kuniini inga kwasotoka, bali jisi inkasi, cisyomezyo ca Leza. Mpaawo bala kkala, “Leza waka Ca amba. Ta konzyi kubeja.”

652 “Oyo uumvwa Majwi Aangu,” ayo Nge soleka kukambauka kuseeni oku, “a kusyoma Oyo waka Ndi tuma, Jehova, uli jisi

Buumi buteeli; elyo taka baooli ku lubeta, pele wakazwa ku lufu kuya ku Buumi.”

653 O Yebo Uutamani, longezya abo sunu. Alimwi akube kuti muntu onse omuno uutali kungsi lya Bulowa, buntu bwabo tabuna sanduka, akube kuti kucitike ndyoonya eno, Mwami. Ula beleka maseseke. Nci cako conse. Ca tuulwa kuli Nduwe. Nda lomba kuti Ubupe kuli mbabo, Buumi Butamani. Akukabe, buzubabumwi, kutala lya nkomwe imbi, mbuli omwe omwe mbo tu selemuka kwinda mu kkuti, akukabe kuti tuka swaana okuya kuta kabi kwaamba kuteeti “musyaale kabotu” takukabi limbi.

Buzubabumwi tuya kusika ku mulonga ku majalilo aa ciindi,
Cindi miyeeyo yamamanino ya buusu niya kumana;
Kuyooba muntuumwi uno lindila kuya kutu tondezya nzila,
Ta ndeelede kuyozabuka Jordano endikke.
Kuyooba Umwi, buzubabumwi uno lindili kuyo tutondezya nzila,
Ta ndeelede kuyozabuka Jordano . . .

654 Onse ujisi bulangizi obo, tambika janza lyako lino mbuli mbo nyamuna mutwe wako.

Ta ndeeleli ku . . .

Lino ko Mu komba buyo. I mulumbe wagola. Sa tamu kkomene? Leza waka konkezya kuti Ta ka . . . Leza waka konkezya kuti Uyo muswaana okuya.

Jesu wakafwa kulungila zibi zyangu zyoonse;
Cindi mudima Nda . . .

Ncinzi nco mwaamba? I lumoola lwamana.

Uno ndilindila,
Ta ndeelede kuyozabuka Jordano endikke.
Ziindi Nda tantamukwa, a kudekela . . .

Ko Mu komba buyo lino.

Kuboneka kuti beenzuma bangu bonse bamana;

Sena waka sola kusika ku busena obo?

Pele kuli muyeeyo omwe undi botelezya.

Cakali cisyomezyo nzi?

Bamba moyo wangu kukkomana,
Ta ndeeleli kuyozabuka Jordano . . .

655 Lino, nobana ba cisyomezyo, amu Mu kombe buyo nkambo ka kucicita.

Ta ndeelede kuyozabuka Jordano endikke,
Jesu wakafwa kulungila zibi zyangu zyoonse;

Ncinzi cicitika lino?

Cindi Nda kubona mudima, Uno lindila ndime,
Ta ndeelede kuyozabuka Jordano endikke.

“Cindi Nda kusika ku mulonga . . .” Umwi aumwi wanu kaboola. Nceeco cimvule, cipati cisiya cikkede okuya kumbele lyako. Mulyango mupati. Uli mukunjila omuya, bumwi bwa mazuba aya, ndiza buzuba kabutana kumana, ndiza mbungano kaitana jalwa kuseeni oku. Uli mukunjila omuya. Ciindi conse oyo moyo waduntaana, uli muni loko ku ntaamo yomwe.

Pele cindi Nda akubona mundima, Uno lindila
ndime okuya,

Wa kati Uyo cita. Wa kakonkezya kuti Uyo cita.

Mpawo Ta ndeelede kuyozabuka Jordano
endikke.

⁶⁵⁶ O Mwami Uulelekedwe, myoyo yesu ili zwide, kuseeni oku, kuti ifusuke.

⁶⁵⁷ Kuyeeya cindi kuduntaana kwa nsinga kwaleka, nkabela narsi wasiminina pilo kuzunguluka mutwe wako. Elyo maanza ako, to cikonzayi kuputa. Maanza ako asanduka kuba caanda. Bana bako, banyono, bayandwa bako kaba kwiila a kulila. Eco citendele cipati cazumbaana kujuka, kutala. Uno lindila.

⁶⁵⁸ Davida wakati, “Ikuti na Nda bamba bulo bwangu mu gehena, Uya kubako.” Ta ndeelede kuyo uzabuka endikke. Cindi madosi aa mulonga akutalika kufaamuka mu busyu bwesu, Leza uya kubweza bwaato bwabuumi, ku tweenzya nkonya kuuzubuka. Wa kasyomezya kuti Uyo cita. Davida musinsimi wakati, “Iiyi, nekubakuti Nda inda mu kkuti lya cimvule ca lufu, Nse kayoowi bubu. Unooli andime. Inkoli Yako a musako Wako, zila nduumbulizya.”

⁶⁵⁹ Mwami, tuli kkomene kapati sunu, kuti twa kasanganisigwa kuba baswaana ba cisyomezyo. Sunu tuli jisi mukati kesu Buumi Butamani, nkaambo tula muyanda Mwami Jesu aku Mu syoma, aku zumina Ijwi Lyakwe a kuyiisya Kwakwe. Alimwi Wa katupa, mbuli caando ca lusyomo lwesu, Muuya Uusalala, caando ca Muuya Uusalala. Lusyomo lwesu mukati kesu luli jatilide. Elyo nekubakuti ziindi zinji twiinda mu zimvule zisiya, ziindi zinji tula ligunkula mu mugwagwa, pele inkasi yesu ici jatilide. Kuli cintucimwi muli ncico, kulaale kutala, eco ciboneka kweenzya, kwaamba, “Kamuyabuya. Tuya buya.”

⁶⁶⁰ Leza, tu longezye. Tuli Ku bulide. Kotu bamba kusyomeka akuba bwini kusikila ciindi Ncoya kutu boolela, tuyo Ku lumbaizya mu makkalo aatamani. Alimwi obo buzuba cindi twa kwiimikila aa nyika . . .Matende Aakwe alelekedwe tana sola kulyata aa nyika. Ngooyo Uli imvwi alya, mu luwo; nkabela basalali a bakanununwa kuzwa ku makkalo onse, kwinda mu kulangila akumwi, kutaanzi, kwabili, kwatatu, kwane, kwasanu,

kwacisambomwe, akwa ciloba, bonse awo kabasamide zikobela mu bululami Bwakwe; tuyo Mu samika musyini kali Mwaami wa mwaami a Mwami wa bami, a kwiimba twaano oto twa lununuko. Myoyo yesu itakweankoya iyo bimba kucindi twano Mu langa Oyo waka tuyanda a kupa Lwakwe kuli ndiswe. Kuciindi nitwa taka jisi nzila ya kuyandwa a basizibi, Kristo wakafwa kutegwa tu futuke. Twa Ku lumba kuli ceeco, Taata, mu Zina Iya Kristo. Ameni.

661 Mula Mu yanda? Oh, obo Mbwali kasimpe. Sena tamu limvwi buyo kuti inga mwayanda nconzyi kumwi ku Mu gwambatila a maanza anu? Sa inga tee mwayanda kukalaba a kuguma matende Aakwe, nywebo mulizi?

662 Nywebo mulizi, kwakali kuba bantu bamwi bakali kusika ku miswaangano yangu ku Phoenix, Arizona, kwaamba kuti, “Ndi yanda kumanizya kucibandi a Nguwe. Ndi yanda kuyo ti, ‘Mwami, Wa kandi yanda cindi kazila kangu nika kasisiya loko.’” Inga ndayanda kumanizya kucibandika a Nguwe katutana kuzabuka. Ndi—Ndi yanda ku Mu bona. Ndi—Ndi—Ndi yanda buyo ku Mu bona. Kuyeeya nzila Mbweyo limvwa, obo moyo wangu uutakwaankouya uyo bimba cindi Nda ku Mu bona kamvwi alya.

663 Nda kalibuzya kanji, “Ni Nda kakonzya kulimvwa eelyo Jwi kaliti, ‘Amuboole kuli Ndime, nyonse nomu minidwe amikuli. Njo mupa kulyookezya.’”

664 Antela nseka kalimvwi eelyo kwini mbuli Mbwa kali kanana kaindi, pele Ndi yanda ku Mu mvwa kati, “Obu mbuzuba bwa mamanino. Kwa kacitwa kabotu, omulanda Wangu mubotu ausyomeka, lino njila mu lutangalo lwa Mwami lwaka bambilwa nduwe.” Kuzwida kuciindi cilamfu buti?

665 “Kuzwida kucindi noka futuka na?” Peepe mukwesu.

666 “Kuzwida ku malengelo aa inyika, cindi Na kakubona a kukuzibakale, a kukusalila Buumi Butamani,” wa kalongezegwa kaindi. “Boonse abo Mba kazikale, Wa kabaita.” Sa mbo mbubo? [Mbunga yaamba, “Ameni.”—Mul.] “Boonse Mba kaita, Wa kabalulamika. Abo Mba kalulamika, Wa kabapa kale bulemu.” Mpaawo we. Wa kalituzi kale, katwiita, katu lulamika, alimwi twa kapegwa kale bulemu a Nguwe, ku magolelo aa inyika, kwiinka ku bulumbu bwesu. Sa tamu kkomene? [“Ameni.”] Masimpe, inga caku bamba ku Mu yanda. Cindi notakali kukonzya kuligwasya omwini, elyo Ngooyu wasika a kukucitila ceeco.

667 *Kalelekewe Kaanzyo Ako Kaswaanganya*, Mucizi Gertie. “Myoyo yesu mu luyandisyo lwa Bunakristo,” kuciindi notuba a luswaanano olu luniini lwa kukumba okuno lino, mpawo tula kombele baciswa. Leza amu longeze. Nywebo nomwa tambika maanza anu kuli Kristo kuseeni okuno, amu jane busena bwa kukombela, bwaku Mu belekela.

668 Lino, atu Mu kombe buyo eno, mbuli mbunga, nyonse noba Methodisti, mbungano ya Leza, Assemblisi ya Leza, ba Presbyteria, ba Lutherani, iba Katolika. Boonse antoomwe lino, atwi imbe lino.

Kalelekwa kaanzyo ako kaswanganya
Myoyo yesu mu luyando lwa Bunakristo;
I luswaanano lwa mizeezo iikozyenye
Luli mbuli lwa Atala olo.

Kumbele lya cuuno ca Taata wesu,
Tu kuna mipailo yesu ya kuyandisisya;
Kuyooowa kwesu, bulangizi bwesu, makanze
esu, ali omwe,
Kuumbulizigwa kwesu akumamelwa kwesu.
Cindi twa andaana,
Kula tupa kucisa kwa mukati;
Pele tu ciyo swaanganisigwa mu. . .

Mbangaye bana Methodisti, Baptisti, a boonse?

A kulangila kuyo swaangana alubo.

669 Sa oko taku mugwasyi? Atu vuuluke a kusukana maanza kuli umwi aumwi lino, kucindi notu lwiimba alubo.

Kakutana . . .

Amusukane maanza, muntuumwi kusule lyako, kunembo lyako, lubazu luli lonse.

. . . cuuno,
Tu kuna mipailo yesu ya kuyandisisya;
Kuumbulizigwa kwesu a kubula kwesu.
Lino cindi twa ndaana,

Tuyo yandana.

Kula tupa . . .

Ikuswaangana nikwa zumanana na? Mwabona? Obo mbo tuyeeya.

. . . kucisa kwa mukati;
Pele tu cinoyo swaangene mu moyo (muli
omwe),
A kulangila kuyo swaangana alubo.

Ikuti na takucikwe okuno, ku Buzuba obo bupati tuyo swaangana.

670 Lino, Taata, tambula kukomba kwesu kuseeni oku. Bweza Ijwi aku Li syanga mu myoyo ya basyomi. Akube kuti bataka tontaikwi koonse, aatala ansi juunza, pele akube kuti Majwi aka jane busena bwao akupumwida mu moyo aumwi wa musyomi. Ku ziba ceeci, kuti, “Leza waka konkezya ku cikonke, nkabela kuli zintu ziyobilo zitasanduki. I kutasanduka kwa Leza, oko nku, oko takukonzeki kuli Nguwe kubeja, kutegwa baswaana ku

lufuuko olu bakabe a bulangizi buyumu, butonkomene a bwa masimpe, inkasi mu buntu.” Ku ziba ceeci, kuti, “Leza waka tusyomezya, kwindi ku cinkonke caka konkezegwa. Oyo, kuti Ta konzyi kubeja; umbi, Wa kakonzezya cikonke atala lya ceeco, kuti Uyo tubusya ku buzuba bamamanino a kutupa Buumi Butamani.” Mukuziba, kuti, “Twa akumana kwitwa, kuti Wa kati Wa kali tuzyi kuzwa ku malengelo aa inyika, a kutukanzila ku bwana bwa bana kwiinda muli Jesu Kristo. Elyo Wa kali tuzikale. Wa ka twiita. Alimwi cindi Na katwiita, Wa katu lulamika.” Ta tukonzyi kuli lulamika lwesu, aboobo Wa katu lulamika kwindi ku lufu lwa Mwana Wakwe Mwini. “Abo Mba kalulamika, Wa kabapa kale bulemu.” I Ijwi lyaambwa kale. Elyo tuli buyo mu lweendo lwesu, kuya bweenda, katuya busekelela munzila yesu kuya ku Bulemu.

⁶⁷¹ Bape lusyomo bantu, alimwi akube kuti zilengwa ziniini a zintu zilengelela ku bantu, akube kuti zyangunuke kuzwa kuli mbabo, kuseeni oku, a Ijwi eeli lya Leza lili ni knasi ya buntu, itonkomene a masimpe. Akube kuti baangunuke kuzwa ku zilengwa zyabo, lunyemo lwabo luniini. Elyo zintu zya ka. . . Mbuli Paulo mbwa kaamba, mu cibeela cila ambele ca mulumbe mu mazuba masyoonto, “Atu bikke ambali zitulemena, a zibi zitu nyongana buyo, kutegwa tu zuze muzunda alukakaktilo uubikkidwe kumbele lyesu; kulanga kuli mukamwini a sikulomya wa lusyomo lwesu, Jesu Kristo, Oyo waka sunkwa mu ziyanza zyonse mbuli mbo tucitwa, nekubaboobo kakutakwe kubisya.” Wa kazumizigwa kusunkwa, pele Ta kaswiilila ku sunko. Elyo tula sunkwa kuti tubisye, pele kutasola kuswiilila. Nkaambo Buumi buli mukati kesu ni nkasi ya nkotuya kwesu Kutamani, alimwi tula jatilila eyo isetekene ku moyo wesu.

⁶⁷² Lino, kuli banji abo Saatani mbapenzya kubelesya mapenzi. Tu tandila ku bakombela, Taata. Akube kuti ba, mbuli mbo baina kusi lya Ijwi lya Leza. . . Elyo Ijwi liyandisi lya kambauka, Bbaibbele kalipa bumboni, Baangelo ba Leza kabaimvwi muni, nkabela Muuya Uusalala mulemu, atala lya boonse, uliimvwi awa kukupa bumboni ku Ijwi. Lino, Taata, mbuli mbo baina kusi lya Ijwi lya cisyomezyo, kuseeni okuno, akube kuti beende kuzwaano kabali kabotu. Ku gwisya zyeenzyo zyabo, ku siya zyuuno zyabo a—a tulo nto banga balalila, a ku ponesegwa buyo. Ko cipa, Mwami. Akube kuti bapilukile ku kuswaangana kutobela na bazumizigwa kusika, na ku mabungano abo beni, kabasekelela, kabatondezya zintu ezyo zipati Kristo nzyacita. Twa cikutauka eci ku bulemu bwako, mu Zina lya Jesu. Amen.

⁶⁷³ Nde elede kulilekelela ku cisyomezyo Nce bamba, kuti kuseeni oku ni twaba a chipati ca 7, pele Nse sika kuli ncico. Alimwi tweelede kulekela ciindi cisyoonto okuno ca—ca ceeci, mundando wa mipailo. Elyo lino, sunumasiku, na Mwami

wayanda, tula bweza chipati ca 7, akuziba Oyo Melikisedeki oyu kuti wakalini. Mbangaye bayanda kuziba eno? Oh, tu selemukila kuli Nguwe ncobeni, kuziba kasimpe Oyo kuti Nguni. Elyo Lugwalo lwaamba kuti Oyo Nguni. Mwabona?

674 Elyo Scofield wakati bwakali “bupaizi.” Na kakonzya buti kuba bupaizi, katakwe matalikilo a magolelo? Nywebo mwabona, tii bwakali bupaizi. Wa kali Muntu, Melikisedeki (Zina), Muntunsi.

675 Mbuli, kuta ubausya, pele Krisiani Sayaansi yaamba kuti Muuya Uusalala, “muyeeyo.” Elyo Bbaibbele lyakati, “Walo, Muuya Uusalala.” Alimwi *Walo* ndibbala lyaamba mugame. Ngo Muntunsi; kutali muyeeyo. Ngo Muntunsi. Nincobeni.

676 Alimwi Melikisedeki Muntu, Muntu Oyo wata kajisi matalikilo aa mazuba na magolelo aa myaka. Ta kajisi bawisi nanka banyina, na mukowa. Elyo tuya kuziba na Oyo Wa kalini, na Mwami wayanda, sunumasiku, ku Ijwi. Sena mula Ci yanda? [Mbunga yaamba, “Ameni.”—Mul.] Oh! “Ijwi Lyako ndi lampi ku kazila kangu a ku matende angu.” Oh!

677 Lino, wati, “Mukwesu Branham, Nse Ci mvwisiyi pe.” Andime Nse citi.

678 Pele, ciindi cimwi, Nda kali kukambauka kumusanza mu Kentucky. Elyo kuli bamwi bapya, aba Katolika a baindene indene, abo antela bata konzyi kumwisya zintu ezi zisakene, zivubide zya Lugwalo. Nda kali kukambaula aa kuponesegwa kwa Buleza. Musimbi muniini wata kasamide ku maulu wakaletwa . . . Ta kajisi myaka ili kkumi ayosanwe yakukomena, ka jisi muvwanda muniini, nkabela waka jisi kuyuminina mubili. Nda kati, “Ndi penzi nzi, mucuzi, ku muvwanda wako?”

679 Kati, “Ujisi kugwinya gwinya.” Ta kazi cintu ca kwaamba, kuyuminina mubili. Ta kazi cintu ca kuciita.

680 Muntu muniini antela kwiina naka samide mabbusu, mu buumi bwakwe. Muyandwa wa muntu umwi, masusu malamfu kalengelela ansi. Nda kati, “Sena ula syoma?”

681 Elyo alo meso maniini asisisiya akandi langa. Waa kati, “Inzya, munene. Ndila syoma ncobeni.”

682 Nda kabweza muvwanda muniini. Elyo kucindi Ne kali kumu kombela, wakaleka kugwinya gwinya. Uh-huh. Elyo kwa kazwa, kazwa.

683 Buzuba buccilila, Nda kali kuvwima basikaale, okuya ku lubazu lwa mulundu. Nda kamvwa bantu bakakkede kabaambaula, mbuli kuzwiima kwakaindi kwa saha. Elyo Nda kasobelela ansi. Nda kali kuvwima basikaale. Ba kali kwaambaula ndime, kaba kkede alya, kabanyeela tombwe a kuswida. I matu kauluka, mbuli boobo. Elyo bakali kwaambaula, lino, kujatikizya muswaangano wa masiku aazona. Umwi wabo wakati, “Nda mubona oyo muvwanda. Nda

inkide muni alya, kuseeni oku. Ta cigwinya gwinya, nokuba kuseeni oku.” Mwabona? Kati, “Eco cakali cakasimpe.” Elyo wa kali kuswida.

⁶⁸⁴ Elyo ba kajisi ma raifo aka yaamikidwe ku musamu, aboobo Nda kayeeya kuti ncibotu Nda lizibya lwangu. Nywebo mulizi, baka jisi nkazyanyo mbi zyabukali kumusanza okuya, abalo. Aboobo, Nda keenda kumbele. Nda kati, “Mwabuka kabotu, bakwesu.”

⁶⁸⁵ Oyo mulombwana mupati ncobeni, wakaboneka kwaambaula, wa kali kunyeela tombwe mukanwa lyakwe, mbuli *obo*, kulaale ku lubazu mbuli *obo*, a nsingo, mpati ndamfu. Elyo wa kasamide ngowani yakaindi mpati ncobeni, wakai kwelele ansi ku meso akwe. Wa kalanga konse nkabela waka ndibona. Wa katambikizya atala a kujata ngowani eyo, wa kwiikwempa, kaunka. . . [Mukwesu Branham wamena—Mul.] Wakamena oyo tombwe wakunyeela, kati, “Wabuka kabotu, omupaizi.” Mwabona? Iiyi, munene. Kulemeka. Elyo mbo mbubo. Obo mbwa kasola kupona kuli nkuko, Ta ndizi, pele wa kacita.

⁶⁸⁶ Aboobo, busiku butobela, kujoka, kwakali mwaalumi okuya wakali kuyanda kukazyanya a ndime asyoonto. Wa kali kwiinka ku mbungano eyo yatakali kusyoma mu kuponesegwa kwa Buleza. Aboobo, eyi yakali mbungano ya Methodist, White Hill, Kentucky. Aboobo, wa—wa kainka ku. . . Wa kaliimvwi anze. Wa kajisi lambe mu janza lyakwe. Elyo wa kati, “Ndi yanda kwaamba cintucimwi, omukambausi. Nse konzyi buya kuzumina Ceeci, nkaambo Nse konzyi ku Ci bona.”

⁶⁸⁷ Nda kati, “To konzyi ku Ci bona?”

⁶⁸⁸ Wa kati, “Peepe.” Kati, “Ndi muntu ucisidwe, lwangu. Pele,” kati, “Nse konzyi buya ku Ci bona.”

Nda kati, “Ukkala kuli?”

Wa kati, “Kusule okuya ku Big Renox.”

Nda kati, “Ee, uyo sika buti ku ng’anda?”

Wa kati, “Ee, Ndila enda kuya ku ng’anda.”

Nda kati, “Sena uli kubwena ku ng’anda yako?”

Wa kati, “Peepe, munene.”

Nda kati, “Kulasiya kapati sunumasiku, kuli makumbi manji.”

Wa kati, “Iiyi.”

Nda kati, “Uleenda buti ku ng’anda?”

Wa kati, “Kubelesya lambe eli.”

Nda kati, “I lambe tali tondezyi mumuni nzila yonse kuya ku ng’anda.” Nda kati, “Uleenda buti?”

Wa kati, “Oh, Ndi leenda kubelesya lambe.”

689 Nda kati, “Nce ncico. Yebo ujisi mumuni wa lambe lino, nkabela ciindi conse walyata nzila *eyi*, mumuni uyo zumanana kutondezya ambele lyako. Ikuti na wazumanana buyo kweenda, mumuni uyo zumanana kuba anduwe.”

690 Elyo kocita ceeco kuseeni oku, uyanda Kristo, Mupaizi Mupati mulemu, Sikukombezezya wa kuciswa kwako, na wa malwazi ako, na buntu bwako. Inga to Ci mvwisya. Ta tuciti. Pele twa kalailila “Kweenda mu Mumuni mbuli Mbwali mu Mumuni.” Ko taamu lomwe mu Mumuni. Elyo cindi wano jisi Mumuni, Mumuni uyo munikila ku buzuba bulondokede. Uyo bamba kazila kumbele lyako.

Alimwi tuyo enda kutanta oyu
mugwagwamupati mubotu wakaindi,
Kuya bwaamba koonse Nkweya,
Inga ndasala kuba Munakristo wa ciindi
cakale, Mwami,
Kwiinda cili conse Nce zyi.

Lyonse kumvwa olo lwiimbo lwakaindi?

Takukwe cintu mbuli Munakristo wa ciindi
cakaindi,
Luyandisyo lwa Munakristo kutondezya;
Twe enda mu mugwagwamupati mubotu
wakaindi,
A kulungulula konse nko tuya,
Inga ndasala kuba Munakristo wa ciindi
cakale, Mwami,
Kwiinda cili conse Nce zyi.

691 Nda luyanda ncobeni. Yaa. Lino tula kombela baciswa. Ta tu...Ta tutamini kuti inga twa ponya baciswa. Ikuti na twa kacita, inga tuno amba cintucimwi citaluzi. Onse muntu ucisidwe omuno waka ponesegwa kale. Mbombubo Lugwalo mbolwa kaamba. “Kwiinda ku mibunda Yakwe twa kaponesege.” Sa eco cili luleme? [Mbunga yaamba, “Ameni.”—Mul.]

692 Onse sizibi uli momuno, ikuti na kwacitika kuba omwe, wa kafutulwa kuzwida eelyo Jesu nakafwa. Pele uta soli kufwida ano awo coolwe cako mpo cabikkwa umbele lyako, kuya mu Busyu Bwakwe mpawo kusola ku Ci tambula. Ci bambilidwe eno. Ndyoonya eno weelede ku Ci zumina. Ikuti na waindilila Bulowa, nkokuti toli cintu pele. . . Wa betekwa kale, nkambo ula betekwa ku nzila eyo njo langanya Mulungo wa Mwami Jesu Kristo. Mwabona? Uli. . . ula libeteka omwini alya.

693 “Aboobo Wa kayaswa nkambo ka nsotoko zyesu, nkabele ku mibunda Yakwe twa kaponesege.” Aboobo, takukwe cintu Nce konzya kuba aco, ku kuponya ndinywe. Takukwe cintu mbungano ncoi konzya kuba aco, ca kuponya ndinywe. I cintu biyo nco tukonzya kukombela nceeci, nkuti lusyomo lwanu luta

kakilwi, kuti mula boola ku cipaililo kuseeni oku ku kuzumina Kristo mbuli Musilisi wanu, mbuli mbo mwakacita ku Mufutuli wanu. Elyo kakutakwe amwi. . . Leza ulabeleka maleele. Ula tondezya citondezyo cipati. Boofu, basinkematwi, basyataambi, boonse, bala ponesegwa nkoonya okuno ku cikombelo. Pele naa nkocili na pe, tula Ci zumina, nekuba. Ziindi zinji ezyo zintu zilaba kwinda ku zilengaano.

⁶⁹⁴ Mbangaye bakali okuno kutandila Mansondo otatwe ainda, na one, cindi muntu nakasika omuno, kofweede akulebuka, na kakkede mu cuuno ansinga zyaku yeeyele kazitasitikide? Elyo Nke tana kuzwa ku ng'anda, Nda kamubona mu cilengaano, "Kuti kuyooba muntu okuya, wamasusu asiya, kaaba amvwi. Mukaintu wakwe wakali mwanakazi ubotelezya kulanga, wakali kutandila myaka ili makumi ali cisambomwe yakukomena. Uyo boola kalila," nkabela uyo ndibuzya. "Elyo kujoka a kukombela mulumi wakwe." Wa kakkala mpoonya alya.

⁶⁹⁵ Elyo Nda kaselumuka. Nda kati ku bakwesu bamwi awa, "Amulangilile ceeci."

⁶⁹⁶ Elyo cindi nitwa kaselemukila ku cipaililo, bamwi bakali kombede. Cindi Ne kainka kuyo komba, Nda keenda mpoonya awo a kujoka abusena awa. Elyo mukaintu wakwe wakabuka a kusika mbubonya nzila Mwami mbwa kaambide kuti ciyooba. Bantu kaba langilila, kubona na cakali kuyo citika munzila eyo. Tee caka kakilwa. Elyo aboobo cindi na keenda. . .

⁶⁹⁷ Kaboola kuziba kuti oyo mwaalumi, Dr. Ackerman, kumusanza mu Birdseye, Indiana, wakali nguwe waka mutumana kutala okuno; uuli muna Katolika, a mulombe wakwe mupaizi mu mu cikkalilo cabapaizi okuya ku Saint Meinrad. Alimwi Dr. Ackerman mulongwe wangu mu kuvwima, nkabela wa katuma mwaalumi kutala okuno. Elyo Mwami wakandi tondezya mwaalumi wamasusu asiya kumutwe wakali kuyo mutuma, pele Nse kamuzi kuti wakalini.

⁶⁹⁸ Nda kati, "Sa oyo walo Dr. Ackerman?"

⁶⁹⁹ Wa kati, "Wali nguwe." Mwabona? Elyo mpawo mwaalumi. . .

⁷⁰⁰ Nda kati, "Ngu MBUBOBU MBWAAMBA I MWAMI." Kaselukila ansi. Nda kati, "Munene, imikila." Bobilo kabali moofu nkabela bata. . . wa. . . I-i nsinga zibeleka kusitikizya zyakali manide. Ta kali kukonzya kulijata mwini mbuli boobo. Mwabona? Kali obo kwa myaka minji, kali kuli ba Mayo a kumasena oonse. Elyo kakomba buyo mupailo wa nguwe a kumu busya. Mpaawo wa keenda, waka selemuka kumanizya.

⁷⁰¹ Lutaanzi wa kati, "Nse konzyi kukubona." Mpawo wa kawila, "Iiyi. Nda konzya." Meso akwe akajuka awo. Walo mukuba muna orthodokisi, mukaintu kali muna Presybeteria.

702 Bantu bamwi bayeeye kuti muna “Presbyteria taongololi, amuna Orthodoxisi.” Mweelede ku bamvwa. Masimpe. Bakali kukwiila a kugwambatilana umwi aumwi. Kajoka a kubweza whiluceya yakwe, a kuzumana kuzwa akuselemuka matantilo, mbubonya buyo mbuli muntu uli onse, kakonzya kubona a kukanana a—a zimwi.

703 Kajisi lugwalo kuzwa kuli nguwe, na wakatumina, buzuba bumwi. Ndila syoma, Mukwesu Cox waka muunkila. Kati, “Meso akwe akali kupya kubaba.” Ncamasimpe. Ni nsinga, insinga zya kubonena zila komena a kujokela ku buumi, nywebo mulizi, akutola busena bwazyo. I lutuko lwaka gusigwa.

704 Ikuti na muyo lekela bulenge kulibambila nzila yabo, ikuti na taakwe cisinkila bulenge, mpawo buya—buya kuba a koongelezya kuzwide. Ikuti na ujisi cilabba ku kuboko kwako, cijalila kuzunguluka, janza lyako liyo fwa kumalekelo. Lino, nkaambo, cabulenge, kuyooba kabotu ikuti na wacileka cilikke. Pele cintucimwi cakaingainga bulenge. Mpawo, ikuti na to konzyi kucibona, takukwe nzila kuli dokotela ya kucijata. Zintu ziyobilo biyo nzya konzya kubeleka azyo: eco nca konzya kubona, eco nca konzya kulimvwa. Eco necintu nca konzya kubelesya kubeleka: eco nca bona a ceeco nca limvwa.

705 Ikuti na ta konzyi kucibona, nkokuti weelede kuba simuuya. Mpawo kuli, cintu cilikke cakonzya, cintu comwe inga cacitika; tula lombaa, kuti Kristo agusye lutuko, ula mutanda dyabulosi, nkabela eco citalika kululama, kuba kabotu. Uba kabotu, nkabela nkukonse kuli ncico. “Mu zina lyangu bayo tanda madaimona.” Sa mbo mbubo? Calo ncisyomezyo ku mbungano. Calo ncisyomezyo ca nguzu. I nzi? Buli, bwalo Mbusyu bwakwe bula andiswe. Lino, cintu citu kasya kulondoka kuseeni oku, kucita zintu ezyo mbubonya mbuli Mbwa kacicita, nkaambo kakuti tu cili mu cisitilizyo. Mwabona? Pele tuli jisi kulimvwa kumwi okuya ku twaambila, “Oh, iyyi.” Mwabona?

706 Elyo cindi watambula kuponesegwa kwako, takukwe makani cisitilizyo nco caamba, nceeco Ijwi nco lyaamba. Mabona? Nce ncico. Nce ncico. Alimwi i—i—i Ijwi lyonse ndilyoongelezya maningi ku cintu cili conse. Ijwi lya Leza Litamani!

707 Amulange Sarah, luzyalilo lwakwe kalufwide, myaka ili makumi ali fuka yakukomena, wakaona a mulumi wakwe kuzwa nakali kutandila kkumi acisambomwe na kkumi alusele, kaatakwe bana; Abrahamu, kali mwaanda. Leza wakanyona ncobeni a kubapa muvwanda. Mwabona? Nkaambo, baka syoma. Ba kaita zintu ezyo zyatakaliko, mbuli kuti zyakaliko. Konjila eyo nzila kuseeni okuno, mweenzuma.

708 Elyo sunumasiku, tu langila. . . Ikuti na nyonse mwaboola kutu swaya, tuli kkomene kuba andinywe okuno kuseeni oku. Elyo Leza abe andinywe. Alimwi ikuti na unooli mu dolopo ku

mangolezya, tuyo botelwa kuba ndinywe mangolezya aya mu kuswaangana oko konse, kwa Melikisedeki. Elyo mpawo ikuti na tonoliko, alimwi ujisi mbungano yako, kaunke ku mbungano yako. Obo—obo mbo bulizi bwa ncito yako. Ikuti na uzulilwa ku mbungano, kainka okuya. Eci ncikombelo buyo ciniini oko nko tubungana mukati a kuba a luswaanano kuli umwi aumwi. Lino, Mwami amu longezeye.

⁷⁰⁹ Elyo Mucizi Gertie ula tulizizya, *I Musilisi Mupati Lino Uli Mumsi*. Alimwi sa kuli umwi ano waku kombela? Tambika janza lyako, abo bayanda kuboola mu mundando wa mipailo, kukubikka lusyomo lwanu kuli Kristo. Yaa. Ikuti na mwandandama ku lubazu *olu* lwa mbungano, ikuti na muyo cita. Elyo balombwa kutonta zyuuno ansi aniini, mukwesu, ikuti na muyo cita, kutegwa twa konzya kuba abusena busyoonto omuya a kukonzya kuleta bantu kwiindako. Amuboole ku lubazu *olu*.

⁷¹⁰ Alimwi tula komba lino, kuciindi notwiimba. Alimwi Njo lomba baalu okuno, ba kabungwe kali konse na mbungano, kakutakwe kulanganya mbo ibede, ikuti na mula syoma mu kuponesegwa kwa Buleza, sa inga mwaimikila awa andime aa cibumbili eci, ku kukombela baciswa? Tula botelwa kuba andinywe. Kufumbwa kabungwe, na taakwe kabungwe, na kufumbwa mbo mubede, tuyo botelwa kuba andinywe. Sa inga mwasika lino, ku mupailo? Amuboole mwiiimikila antomwe andime.

Mukwesu Neville, walombwa kuboola a mafuta.



BAHEBRAYO, CHIPATI CACISAMBOMWE 3 TNG57-0915M

(Hebrews, Chapter Six 3)

MATOBELANWA AA BBUKU LYA BAHEBRAYO

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo kuseeni, Itwi 15, 1957, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org